

未1

313

中國外科學大綱

吳江許承龍著

上海中醫書局印行

清 代 名 醫 醫 案 精 華

本書爲上海秦伯未氏所編纂。集清代二十餘名家之精華。如葉天士、薛生白、吳鞠通、尤在涇、王旭高、張仲華、何書田、趙海仙、馬培之、王九峯、巢崇山、張千里、張聿青、陳蓮舫、秦笛橋、凌曉五、陳良夫、金子久、丁甘仁等。全書一千餘面。四十餘萬言。洵未有之巨著。洋洋乎大觀也。

清 代 名 醫 醫 話 精 華

本書爲秦伯未先生整理清代醫學之第二部巨著。伯未先生前著清代名醫醫案精華一書。既已洋洋大觀。風行國內外。惟尙有各種醫案。均屬筆記體。與該書體例不合。未曾采入。茲特編纂本書。以期完滿。采入者如喻嘉言、張石頑、王孟英、徐靈胎、魏玉璜、林義桐、齊有堂、程觀泉、何鴻舫、張希白、李修之、余聽鴻、李冠仙、姚晏如、張晚香、潘蘭坪、吳東暘、魏小泉等。二十餘家。

近 代 醫 案 之 大 觀 ◎ 醫 家 終 身 之 良 伴

【醫案】	全部四冊	定價三元
【醫話】	全部四冊	定價三元
每種均裝	錦盒	單購一種
七折	兩種合購	六折
上海山東	路帶鈞橋	二十六號
中醫書局	總發行	

中醫書局五月份出版新書半價廣告

<p>秦伯未著 內經學 上下兩冊 一元四角</p>	<p>秦伯未著 清代名醫醫案精華 四冊 三元</p>
<p>溫啟倬著 最新實驗藥物學 上下兩冊 一元七角</p>	<p>秦伯未著 清代名醫醫話精華 四冊 三元</p>
<p>吳鞠通著 溫病條辨 大字鉛印 上下兩冊 一元四角</p>	<p>秦伯未著 實用中醫學 洋裝 一冊 三元四角</p>
<p>王孟英著 溫熱經緯 大字鉛印 一巨冊 八角</p>	<p>唐容川著 醫學見能 一冊 四角</p>
<p>潘宗元著 分經藥性賦 一冊 二角</p>	<p>日本東潤益吉著 藥徵全書 一冊 一元</p>

各埠函購另加郵費一成 半價日期六月底截止過期無效 平時照碼七折

序

余之法醫有年矣自設立中醫專校以來於茲已歷十載畢業而生者不下三百人傷寒溫熱莫不各有寸長而於瘍科門得力者蓋莫若生半龍文學士也於魏晉六朝三唐兩宋靡不心融神會不懈而及於古而於瘍科尤斤焉余既心焉契之既畢業不自釋獨在研求本其心得新為外科綱要今年春余招之來滬俾於廣益善堂施論兼以考察其學校既來渴因此所著就口於余余亦之披閱披四不禁慨然曰許生之業於此而益進夫易嘗思之讀之而不明六經不足治內證并不足以治外証文癰疽之證名視其部位以定吉凶今人不明六經部分凡見腦疽發背深投清涼疔毒則誤用發散率至陡然告絕此不可救藥焉分痛也許生辨六經也審証於辨証用藥溫涼托散莫不掣此為當最無差失此固足為庸工之指南而為病

家所託命也已今承坊友錢君之清將以付梓特為之序而歸之雖
然孔子之於顏淵也曰迺而省其私也足以發令存生畢業告歸而致
力于學業者乃如此吾知他日之造詣正未有艾也許生勉乎哉
乙丑冬十二月友生益河丁澤周甘仁甫序

外科學綱要二卷吳江府古許子華龍所撰
得素問中藏之遺意而於陶治外科尤精
外科正宗痛科大全身素於一境蓋以吳醫
宗臨氏之心付故學說中正詳贖方劑奔逐
多素效著呂紫坪孟疔二子素曰孟子臨乎
臨者疔疔子不臨而不疾也然正宗不氣類
不與偏隅若異之病倘若儒夫之疔而許子
以在或孟氏之至如江蘇省中舊聯合會
地加案定予故素教語錄之以為同志介至

其为人沉默寡言，性高洁，古之所谓如饮
休，好吾孰相，勉。贯醉，酒，携，琴，并，筑，以，豪
语，鸷，在上，则，又不，款，平常，盖，有，愤，此，世，而，深
以，白，河，沉，泥，为，耻，云，为，寅，二，月，秦，伯，未



自序

予嘗從外家陳問外科業將以承夢琴先生之學
不徒私淑方技而已

既入滬中醫學校得力於內科諸學者漸深於
亥畢業旋里小試于鄉曲不暮年而束脩請業者
却之不獲乃整理舊籍得大綱如于卷授之撫拾成
書自視欲然乙丑春挾以赴滬願有所就正而錢君
季寅攫之去且付剞劂

雖然一瘡瘍之治療也亦有初中末後復發之序有
緩急先後之劑有內外分治或兼治之法有宜手術或
樂治之別而一瘡瘍之象徵又因男女老幼強弱及
其環境之不同非專家不能審即書中之方劑凡

為說明之舉創者亦非東家不能用蓋外科之學
術淺學者不得詳而一瘡瘍之生滅轉歸亦各有所
本編纂殺青俟諸異日大綱特初檢之導可

每見世人涉獵方書印目矇心苟一遇瘡瘍不求
醫治便檢書抄方貿然服用幸而克痊千一之一也
方以治病轉造此意外之孽予竊感焉因弁數言
以就正于當世又以風世之不求醫而自用者

丙寅春三月吳江許半龍序於上海廣益醫院

再版弁言

外科大綱為初學者指導門徑而作也初僅授一二及門弟子後應丁先師甘仁招任滬北廣益醫務因識錢子季寅于千頃堂一日季寅來寓見順德蔡寒瓊東莞鄧爾雅安吉吳昌碩諸君所書先君子墓誌銘慨任印贈曾以本書版稅為酬得以出版繼予先後掌教上海中醫大學中醫專

校中國醫學院而就學者紛紛購閱
始得推行於國內外拙淺之作深恥
其流行而悔之矣今夏予以體弱多
病辭四明醫院診務中國醫學院教
務歸里將重有所撰述會季寅偕秦
子伯未自海上來屬將本書校正再
版却之未能因弁數言以誌予憾惟
賢者教之焉

中華民國十八年十一月二十一日許半龍誌于分湖權廡

編輯大意

一 本書供醫學校外科教學及自修之用并家庭社會一般之參攷

二 研究外科之任務在明瞭本國人瘡瘍及皮膚各病延續之生滅與其治療之變化故在敘述全科通理時輒探討其生滅之原分述各症時恒研究其特殊之狀使學者自認識中華固有之學術對於環境有改造及適應之能力對於醫化之侵畧有正當之防衛

三 全書分上下兩卷上卷為總論下卷為分論叙記次序先合後分畧取演繹式的編制其以瘡瘍發生地位分局部與非局部綜括各症則取歸納式的分類

四 內容方面即本現代科學的眼光組織重要材料使乾燥的經驗為系統的研究所

五 內經為本國疾病之古史為研究遺傳學者所重視書中援引特多原以明遞嬗之蹟象即外科病理之變態關係於經絡者深圖其經穴述其起訖叙其氣血診斷時較有依據也

六 明汪機云外科必本諸內知乎內以求乎外其如視諸掌乎治外遺

內所謂不揣其本而齊其末書中於生理的變態特別注重而於內癱則別以章節亦以見本國外科之進步不在他國之後

七 本書體例在本國雖屬草創材料悉屬固有不竊他國醫藥一語者區區整理國故之微意惟 閱者諒之耳

編者識

外 科 真 詮

●清代鄒五峯名著

△分二卷計四百餘頁

△羅列七百餘症候

△為外科書籍中……

……實驗與理論並重之作

致外科書籍甚多。或僅錄驗方。或偏重學說。或蕪雜無主。或簡單不詳。求其以理論徵諸經驗。以經驗證其理論。及敘述詳明。編製適當者。殊不多觀。清代鄒五峯氏為外科聖手。所編外科真詮一書。久為醫林所欽仰。顧版已燹滅。流傳絕少。本局獲得原刻。不敢自秘。即加精校付刊。以期普及。全書四百餘頁。裝訂上下兩厚冊。定價一元四角。七折。學者得此。蓋可無事他求矣。

中醫書局謹啟

傷 科 大 成

●清代趙竹泉名著

△專述傷科手術方藥及……

……觀察吉凶之秘訣

△為傷科書籍中……

……切實有用之傑作

傷科以觀察吉凶為第一。次則手術。次則方藥。然得從經驗中得之。決非空洞理論所能收效。此所以傷科書之不多觀。即有而亦難流傳久遠也。此書為清代趙竹泉氏之秘本。刪除一切空論。專述經驗所得。語簡而要。方試必驗。實為傷科書中未有之奇書。而學傷科者必備之秘訣也。茲由本局公開印行。以廣流傳。凡一冊。定價洋三角五分。七折。

中醫書局謹啟

中國外科學大綱目錄

卷上總論

第一章 經絡之解剖

第二章 外科之病理

第一節 一般病理

第二節 兼合病理

(甲)發熱煩躁無寐

(乙)渴

(丙)嘔

(丁)大便秘結及瀉利

(戊)小便淋漓頻數及不利

第三章 外科之診斷及治療

第一節 脈候

第二節 虛實

第三節 善惡

第四節 一般治療法

第五節 內外治療法

(一) 內治法

(甲) 腫瘍

(乙) 潰瘍

(丙) 汗下

(丁) 消托

(二) 外治法

(甲) 辨膿

(乙) 去腐

(丙) 定痛

(丁) 止血

(戊) 生肌收口

(乙) 薄貼

(庚) 圍藥

卷下各論

第一章 局部病

第一節 外瘍

一頭部

- (1) 鬢疽 (2) 大頭疽 (3) 玉枕疽 (4) 蟪墳頭

二面部

- (1) 夾車毒 (2) 耳根癰 (3) 發頤 (4) 顴骨疽
(5) 破腮毒 (6) 托腮

三頸項部

- (1) 腦疽 (2) 瘰癧 (3) 猛疽 (4) 天泡瘡

- (5) 頸癰 (6) 鈕扣風

四眼部

目疾

五鼻部

- (1) 鼻疔 (2) 鼻痔 (3) 鼻衄 (4) 腦漏

六耳部

耳病

七唇口部

(1) 口內上脣癰

(2) 唇口瘡

八舌部

(1) 重舌

(2) 舌脹

(3) 痰包

九齒部

(1) 骨槽風

(2) 牙齦癰

(3) 牙癰

(4) 牙疔

(5) 牙齦

十咽喉部

(1) 緊喉風

(2) 慢喉風

(3) 乳蛾

(4) 喉痺

(5) 喉疔

(6) 喉癰

十一肩背部

(1) 肩疽

(2) 發背

十二腰部

腎俞發

十三胸乳部

乳癰

十四腹部

腹癰

十五腋部

腋癰

十六脇肋部

(1) 脇癰 (2) 脇疽

十七臂部

臂癰

十八手部

(1) 手發背 (2) 手心毒 (3) 鵝掌風 (4) 紫白癩風
(5) 合谷疽 (6) 羅疔

十九臀部

腎癰

二十肛門部

(1) 臟毒

(2) 肛癰

(3) 脫肛

(4) 痔漏

二十一下部

(1) 懸癰

(2) 囊癰

(3) 下疳

(4) 陰瘡

二十二膝部

膝瘍

二十三股部

(1) 大股疽

(2) 小股疽

二十四足部

足瘍

第二節 內癰

一肺癰

四肝癰

七腎癰

二胃脘癰

五心癰

三腸癰

六脾癰

第二章 非局部病

一 疔瘡

二 流注

三 附骨疽

四 遍身

附錄

內經上之外科學說

附 本書經絡圖。僅繪大概。如欲詳盡。中醫書局已有彩色精印銅人經絡圖四幀。可以購閱。每套定價一元七折。特此聲明。並以介紹。

告 編者誌

中國外科學大綱卷上

吳江許半龍輯

總論

第一章 經絡之解剖

肺手太陰經穴圖




按肺經起於乳上三肋端。行腋前外灣。臑間肘內。臂裏寸口。魚際終於
 手大指內側。是經多氣少血。

大腸手陽明經穴圖



按大腸經脈起於手大指之次指內側行臂外肘外臑肩頭頸人中鼻孔迎香穴而終是經氣血俱多。

胃足陽明經穴圖



按胃經起於目下鼻旁行口吻腮上行耳前額角下行頸側結喉至肩上下行乳中臍旁腿膝臙足中指之端是經氣血俱多。


按心經起於大臂下近腋處循臑臂臑肘抵掌手小指而終是經多氣少血

小腸手太陽經穴圖



按小腸經起於手小指外側之端手髌骨之前肘外臑外肩後頸顛骨至耳前而終是經多血少氣

膀胱足太陽經穴圖



按膀胱經起於目內眥上額巔從耳上角後行下項肩脊腰臀臑臑出
外踝至足小指外側端至陰穴而終是經多血少氣

腎足少陰經穴圖

按腎經起於足心循內踝入足後跟上臑膈至臍從臍旁上行腹上至胸中而終是經多血少氣
 心包絡手厥陰經穴圖



按心包絡經起於腋下乳外。循臂內。入肘內。入掌中。循中指出其端而終。是經多血少氣。

三焦手少陽經穴圖



按三焦經起於手小指次指之外側。由小指次指間歧骨間。上行手腕臂外。兩骨中間貫肘。上肩。上項。至耳後。上繞耳上角。下循耳前動脈而終。是經多氣少血。

膽足少陽經穴圖

按膽經起於目外眥。斜貫耳前耳後。上抵額顛。至巔後。行頸側。過肩。下腋。季脇。下腿。腓。外踝。足跗。至足小指次指之外側而終。是經多氣少血。

肝足厥陰經穴圖




按肝經起於足大指後。足跗上面。走內踝。上行膈。膈過膝。直上環陰器。向外灣行季脇內。斜上行直乳下二肋端而終。是經多血少氣。

任脈經穴圖

督脈經穴圖

按任脈起於前陰後陰之中。前行橫骨。上行毛際。直上腹之中行。上行頸下結喉上之中央。由結喉上行至下唇。掖下陷中而終。



第二章 外科之病理

第一節 一般病理

凡瘡瘍之患原因雖多。不過內外二因。證候雖多。亦惟陰陽二則。知此四者。則盡之矣。然內有由臟者。有由腑者。外有在皮膚者。有在筋骨者。此在淺深之辨也。至其為病。無非氣血壅滯。榮衛稽留之所致。其以鬱怒憂思。或淫慾丹毒之逆者。其逆在肝脾肺腎。此出於臟而為內病之最甚者也。其以飲食厚味醇酒炙燂之壅者。壅在胃。則出於腑而為內病之稍次者也。又如以六氣之外襲。寒暑之不調。侵入經絡。傷人榮衛。則凡寒滯之毒。其來徐。其入深。多犯于筋骨之間。此表病之深者也。風熱之毒。其來暴。來暴者。其入淺。多犯于皮肉之間。此表病之淺者也。何也。蓋在臟在骨者。多陰毒。陰毒其甚也。在腑在膚者。多陽毒。陽毒其淺也。所以凡察瘡瘍。當識癰疽之辨。癰者。熱壅于外。陽氣之毒也。其腫高。其色赤。其痛甚。其皮薄而澤。其膿易化。其口易斂。其來甚速。其愈亦速。此與臟腑無涉。故易治而易愈也。疽者。結陷於內。陰毒之氣也。其腫不高。其痛不甚。其色沉黑。或如牛領之皮。其來不驟。其愈最難。或全不知痛癢。甚有瘡毒未形。而精神先困。

七惡疊見者。此其毒將發而內先敗。大危之候也。知此陰陽內外。則癰疽之概可類推矣。然此以外見者言之。但癰疽之發。原無定所。或在經絡。或在臟腑。無不有陰陽之辨。若元氣強則正勝邪。正勝邪則毒在腑。在腑者便是陽毒。故易發易收而易治。元氣弱則邪勝正。邪勝正則毒在臟。在臟者便是陰毒。故難起難收而難治。此之難易。全在虛實。實者易而虛者難也。速者易而遲者難也。所以凡察癰疽者。當先察元氣。以辨吉凶。故無論腫瘍潰瘍。但覺元氣不足。必當先慮其何以收局。而不得不預為之地。若見病治病。且顧目前。則鮮不致害也。其有元氣本虧。而邪盛不能容補者。是必敗逆之證。其有邪毒熾盛。而脈症俱實。但當直攻其毒。則不得誤補助邪。所當詳辨也。

第二節 兼合病理

(甲)發熱煩躁無寐

瘡瘍發熱煩躁。或出血過多。或潰膿大泄。或汗多亡陽。或下多亡陰。以致陰血耗散。陽無所依。浮散于肌表之間。而非火也。若發熱無寐。血虛也。兼汗不止。氣虛也。發熱煩躁。肉瞤筋惕。氣血虛也。大渴面赤。脈洪大而浮。陰

虛發熱也。肢體微熱，煩躁面赤，脈沉而微，陰盛發躁也。李東垣云：晝發熱而夜安靜，是陽氣自旺於陽分也；晝安靜而夜發熱，是陽氣下陷於陰中也。如晝夜俱發熱者，重陽无陰也，當峻補其陰。故王太僕云：如大寒而甚熱之不熱，是无火也，當治其心；如大熱而甚寒之不寒，是无水也，熱動復止，倏忽往來，時動時止，是无水也，當助其腎。故心盛則生熱，腎盛則生寒，腎虛則寒動於中，心虛則熱收於內。又熱不勝寒，是无火也；寒不勝熱，是无水也。夫寒之不寒，責其無水；熱之不熱，責其无火。熱之不久，責心之虛；寒之不久，責腎之弱。治者當深味之。

(乙) 渴

瘡瘍作渴，若焮痛發熱，便利調和者，上焦熱也；腫痛發熱，大便秘澀者，內臟熱也；焮腫痛甚者，熱毒蘊結也；漫腫微痛者，氣血虛壅也；或因胃火消燥而津液短少者，或因胃氣虛而不能生津液者，或因胃氣傷而內亡津液者，或因腎水乾涸，口舌乾燥者，或先口乾作渴，小便頻數而後患瘡，或瘡愈後作渴飲水，或舌黃乾硬，小便數而生瘡者，尤惡也。苟能逆知其因，預滋化源，可免是患。

(丙)嘔

薛立齋曰喜熱惡寒而嘔者宜溫養胃氣脈細腸鳴腹痛滑泄而嘔者宜托裏溫中喜寒惡熱而嘔者宜降火脈實便秘而嘔者宜瀉火若不詳究其源而妄用攻毒之藥則腫者不能潰潰者不能斂雖丹溪云腫瘍時嘔當作毒氣攻心治之潰瘍嘔當作陰虛補之殊不知此大概言之耳況今之熱毒內攻而嘔者十之一二脾胃虛寒或痰氣而嘔者十居八九大抵熱毒內攻而嘔者必喜涼而脈數脾胃虛寒或痰氣而嘔者必喜溫而脈弱故不可不辨明也又曰凡癰疽腫赤痛甚煩燥脈實而嘔者為有餘當下之若腫硬不潰脈弱而嘔者乃陽氣虛弱當補之若嘔吐少食者乃胃氣虛寒當溫補脾胃若痛傷胃氣或感寒邪穢氣而嘔者雖在腫瘍當助胃壯氣若用攻伐多致變症不治。

(丁)大便秘結及瀉利

東垣云瘡瘍熱毒深固嘔噦心逸腫硬木悶發熱而煩脈沉而實大便秘結此毒在臟腑宜疎通之故曰疎通其內以絕其源又曰瘡瘍及諸面赤雖有伏火不得妄攻其裏若陽氣拂鬱邪氣在經宜發表以去之故曰火鬱

則發之。瘡瘍大便秘結虛實當分。作渴飲冷其脈洪大而有力量者屬實。大
口乾飲湯其脈浮大而無力者屬氣虛。若腸胃氣虛血燥而不通者宜滋
潤之。若瘡症屬陽或因入房傷腎而不通者宜用辛溫之藥以回陽。多有
得生者。若飲食雖多大便不通而肚腹不脹者此內火消燥切不可通之。
若肚腹痞脹而直腸乾涸不通者宜用豬膽汁導之。若誤行疎利復傷元
氣則不能收斂。經曰腎開竅於二陰藏精于腎。津液潤則大便如常。若潰
瘍有此因氣血虧損腸胃乾涸當大補氣血。設若不審虛實而一於疎利
者鮮有不誤。若老弱或產後而便難者皆氣血虛也。豬膽汁最效。甚者多
用之。更以養氣血藥助之。萬不可妄行攻伐。

瘡瘍大便泄瀉或因寒涼剋伐脾氣虧損或因脾氣虛弱食不化或因
脾虛下陷不能升舉或因命門火衰不能生土或因腎經虛弱不能禁止
或因脾腎虛寒不能司職。張仲景云下痢腸鳴當溫之。脈遲緊痛未止當
溫之大孔痛當溫之。心痛當救裏。精要云癰疽嘔瀉腎脈虛者不治。此發
內經之微旨也。凡此實難治之症如按前法治之多有可生者。

伐小便淋瀝頻數及不利

瘡瘍小便淋漓頻數或莖中澇者腎經虧損之惡症也宜補陰足脛逆冷者宜補陽若小便頻而黃者宜滋肺腎若小便短而數者宜補脾肺若熱結膀胱而不利者宜清熱若脾氣燥而不能化者宜滋陰若膀胱陰虛陽無以生或膀胱陽虛陰無以化者皆當滋其化源苟專用淡滲復損真陰乃速其危矣

第四章 外科之診斷及治療

第一節 脈候

滑脈必實大相兼為熱瘍已潰為虛為邪未退膿若未潰宜用內消膿若已潰止須托裏 脈數者為熱洪而數為膿結已潰則難安 脈數身不熱為內有癰膿 脈數應發熱而反惡寒者若有痛處即此處發癰 若脈數不時見當生惡瘡 脈散為氣不收斂為虛若膿潰而煩痛脈得洪滑麤散則難治因正氣虛而邪氣實也 洪脈為虛為熱宜宣熱拔毒壯實者可下 瘡腫已潰膿診得乳脈則為脈病相應若洪大而長出於本位長而兼緩得胃脈也百病皆愈 脈浮為虛為風已潰者宜補 浮大以數焮腫在外當先托裏恐邪入內 脈牢為邪盛為欲膿 弦為痛為

欲膿。弦洪相搏。外緊內熱。瘡疽欲發也。緊脈氣血沉滯。痛處即發瘡。

疽。瀉則氣瀉為氣滯。潰後無妨。短則氣短為元虛。諸證難療。內經云。

短則氣病。以其無胃氣也。脈細則裏虛。將欲變證。脈微則氣虛。勻舉。

自瘥。脈遲為血少為虛。潰後自瘥。

脈緩百病可愈。脈沉為邪伏。已潰為有餘毒。脈沉實發熱煩燥。外不。

熾腫赤痛。其邪乃深伏在裏。宜先疎通。脈不沉不浮。內外證宜審其經。

當和營衛。脈伏邪氣益深。脈虛則血虛。宜托裏和氣養血。脈軟則。

胃弱。宜補虛排膿托裏。脈弱則血氣兩虛。均宜內托。促則熱蓄于裏。

已潰難治。結則陰盛而邪氣結。已潰不宜促。結二者已號難治。若至于。

代。則氣血衰敗。元氣大傷。諸病見之。咸謂不祥。結促之脈。凡陰衰則促。

陽衰則結。大抵結促之脈。由氣血俱虛而斷續者居多。瘡瘍得之多宜托。

裏。然有素稟結促者。又當以有力無力。辨其虛實。實者可下。虛者不可不。

補。

大抵未潰之前。脈宜強旺。不宜衰弱。成膿之際。脈宜弦滑。不宜乳濡。出膿。

之後。脈宜安靜。不宜洪數。收斂之時。脈宜和緩。不宜緊細。否則必變。可以。

預測之也。

第二節 虛實

德之曰。瘡疽之證有臟腑氣血上下真邪虛實不同也。不可不辨。如腫起堅硬膿稠者。瘡疽之實也。腫下軟漫膿稀者。瘡疽之虛也。大便硬小便澀飲食如故腸漏膨脹胸膈痞悶肢節疼痛口苦咽乾煩燥作渴身熱脈大精神悶塞者。悉臟腑之實也。瀉利腸鳴飲食不入嘔吐无時手足厥冷脈弱皮寒小便自利或小便短少大便滑利聲音不振精神困倦悉臟腑之虛也。凡瘡疽腫起色赤寒熱疼痛皮膚壯熱膿水稠粘頭目昏重者。氣血之實也。凡膿水清稀瘡口不合聚腫不赤不堪熱痛肌寒肉冷自汗色黯者。氣血之虛也。頭痛鼻塞目赤心驚咽喉不利口舌生瘡煩渴飲冷睡語呀呀者。上實也。精滑不禁大便自利腰脚沉重睡卧不寧者。下虛也。腫焮尤甚痛不可近寒熱往來大便秘澀小便如淋心神煩悶恍惚不寧者。邪氣之實也。肩背不便四肢沉重目視不正睛不瞭瞻食不知味音嘶色敗四肢浮腫多日不潰者。真氣之虛也。又曰。邪氣勝則實真氣奪則虛。又曰。諸痛為實。諸癢為虛也。又曰。診其脈洪大而數者實也。細微而數者虛也。虛

則補之。和其氣以托裏也。實則瀉之。疎利而導其氣也。內經曰：血實則決之。氣虛則掣引之。又曰：形傷痛，氣傷腫，先腫而後痛者，形氣傷也。先痛而後腫者，氣傷形也。

立齋云：腫痛赤燥，發熱飲冷，便秘作渴，脈洪數而實，是曰五實。即在嚴寒之令，必用苦寒之劑，瀉其陽以救其陰。若脈細皮寒，瀉利腸鳴，飲食不進，嘔吐逆冷，是曰五虛。即在盛暑，必用辛熱之劑，散其陰以回其陽。內經云：用寒遠寒，用熱遠熱，有假者反之。雖違其時，必從其症。此之謂也。

第三節 善惡

癰疽症有五善七惡不可不辨。凡飲食如常，動息自寧，一善也。便利調勻，或微見乾澀，二善也。膿潰腫消，水漿不臭，內外相應，三善也。神彩精明，語聲清亮，肌肉好惡分明，四善也。體氣和平，病藥相應，五善也。七惡者：煩燥時，喉腹痛渴甚，眼角向鼻，瀉利無度，小便如淋，一惡也。氣息綿綿，脈病相反，膿血既泄，腫焮尤甚，膿色臭敗，痛不可近，二惡也。目視不正，黑睛緊小，白睛青赤，瞳子上視，睛明內陷，三惡也。喘粗氣短，恍惚嗜臥，面青唇黑，便污未潰，肉黑而陷，四惡也。肩背不便，四肢沉重，已潰青色，筋腐骨黑，五惡

也不能下食。服藥而嘔。食不知味。發呃。嘔吐。氣噎。痞塞。身冷自汗。耳聾。驚悸。語言顛倒。六惡也。聲嘶。色敗。唇鼻青赤。面目四肢浮腫。七惡也。五善者。病在腑。在腑者輕。七惡者。病在臟。在臟者危也。

大抵發背。腦疽。脫疽。腫痛。色赤者。乃水衰火旺之色。多可治。若黑若紫。則火極似水之象。乃其腎水已竭。精氣枯涸也。決不治。又骨髓不枯。臟腑不敗者。可治。若老弱患此。瘡頭不起。或腫硬。色紫。堅如牛領之皮。脈更澀。此精氣已絕矣。不可治。或不待潰而死。有潰後氣血不能培養者。亦死。

第四節 一般治療法

瘡瘍之治。有宜瀉者。有宜補者。有宜發散者。有宜調榮解毒者。因症用藥。各有所主。經曰。形氣有餘。病氣有餘。當瀉。不當補。形氣不足。病氣不足。當補。不當瀉。此其大綱也。故凡察病之法。若其脈見滑實洪數。而焮腫痛甚。煩熱痞結。內外俱壅者。方是大實之症。此其毒在臟腑。非用硝黃猛峻等劑。蕩而逐之。則毒終不解。故不得不下。然非有真實真滯者。不可下。此下之不可輕用也。其有脈見微細。血氣素弱。或腫而不潰。潰而不斂。或飲食不加。精神疲倦。或嘔吐泄瀉。手足常冷。膿水清稀。是皆大虛之候。此當全用

溫補固無疑矣。然不獨此也。即凡見脈無洪數。外无煩熱。内无壅滯。而毒有可慮者。此雖非大虛之症。然察其但無實邪。便當托裏養榮。預顧元氣。何也。蓋恐困苦日久。或膿潰之後。不待損而自虛矣。及其危賤。臨期豈能及哉。故丹溪云。癰疽因結毒在臟腑。宜先助胃壯氣。以固其本。夫然則氣血凝結者。自散。膿瘕已成者。自潰。肌肉欲死者。自生。肌肉已死者。自腐。肌肉已潰者。自斂。若獨攻其瘡。則脾胃一虛。七惡蜂起。其不死者。幸矣。即此謂也。其有脈見緊數。發熱增寒。或頭痛身痛。或四肢拘急。无汗。是必四時之氣不正。外閉毛皮。風熱壅盛。而為癰腫。此表邪之宜散者也。如無表症。則不宜妄用發散。以致亡陽損衛。故仲景曰。瘡家不可汗。此之謂也。其有榮衛失調。氣血留滯。而偶生癰腫。但元氣无損。飲食如常。脈無凶候。證无七惡。此其在腑不在臟。在表不在裏。有熱者清。其熱有毒者解。其毒有滯者行。其氣所當調。榮和衛而從平治者也。大都瘡瘍一症。得陽症而病氣形氣俱有餘者。輕得陰症而病氣形氣俱不足者。重。若正氣不足。而邪氣有餘。補之不可。攻之不可。若毒雖盡去。而脾腎已敗。氣血難復者。總皆不治之症。故臨症者。當詳察虛實。審邪正。辨表裏。明權衡。倘舉錯畧。

乖。必遺人大害。斯任非輕不可苟且也。

立齋曰。按前症若熱毒蘊于內。大便秘結。元氣无虧者。宜用大黃等藥。泄其熱毒。若陰虛陽痿。精虛氣怯。脾胃虛弱者。宜用甘溫之劑。培其本源。若瘡不焮腫。不作膿者。雖未潰。仍須溫補。若瘡已潰而腫不退痛不止者。宜清涼之劑治之。

凡癰疽陰盛陽衰者。但見體虛脈弱。陽氣无權等症。則凡苦寒之劑。非惟潰瘍不可用。即腫瘍亦不可用也。又若陰邪凝結之毒。非用溫熱之劑。何以運行。而陳氏謂腫瘍不可用熱藥。恐不可以概言也。

第五節 內外治療法

一 內治法

甲 腫瘍

腫瘍有云忌補宜下者。有云禁用大黃者。此其為說若異。而亦以症不同耳。蓋忌補者。忌邪之實也。畏攻者。畏氣之虛也。即如腫瘍多實。潰瘍多虛。此其常也。然腫瘍亦多不足。則有宜補不宜瀉者。潰瘍亦或有餘。則有宜瀉不宜補者。此其變也。或宜補。或宜瀉。總在虛實二字。然虛實二字最多。

疑似貴有定見。如火盛者宜清，氣滯者宜行。既熱且壅，宜下。无滯无壅，則不宜妄用攻下。此用攻之宜禁者也。至若用補之法，亦但察此二者。凡氣道壅滯者，不宜補。火邪熾盛者，不宜溫補。若氣道无滯，火邪不盛，或飲食二便清利如常，而患有危險可畏者，此雖未見虛症，然腫瘍未潰，亦宜即從補托。蓋恐困苦日久，无損自虛。若能預固元氣，則毒必易化，膿必易潰。口必易斂，即大羸大潰，尤可望生。若必待虛症叠出，或自潰不能收斂，而後勉力支持，則輕者必重，重者必危，能无晚乎。此腫瘍之有不足也。所係非細，不可不察。

腫瘍主治類方

仙方活命飲 腫瘍初起，赤腫焮痛。

穿山甲

三大片

皂刺

五分

歸尾

一分

草節

一分

金銀花

二錢

赤芍藥

炒

乳香

各五分

沒藥

各五分

花粉

一錢

防風

七分

貝母

一錢

陳皮

五分

白芷

一錢

好酒煎服，恣飲盡醉。

2 神授衛生湯 治癰疽初起。能宣熱散風。行瘀活血。解毒散腫。疎通臟

腑

羌活 八分

防風

白芷

穿山甲

沉香

紅花

連翹

決明 各六分

銀花

皂角刺

歸尾

甘草節

花粉

錢各一

乳香 五分

大黃

二錢酒拌炒。虛不利者不用。

水二碗煎八分。病在上部。先服藥。隨後飲酒一杯。病在下部。先飲酒

一杯。隨後服藥。以行藥力。

3 清熱消風散 諸毒將成。赤腫焮痛。宜和解之。

防風

川芎

當歸

黃芩

白芍

天花粉

金銀花

甘草 各五分

連翹

紅花

柴胡

蒼朮

陳皮

黃耆

角刺 各一錢

水二鍾煎八分。食遠服。

4 雙解復生散 憎寒發熱。大小便秘。宜此發表攻裏。

荆芥

防風

川芎

白芍

黃耆

麻黃

甘草各五分

薄荷

山梔

當歸

連翹

滑石

金銀花

羌活

人參

白朮各八分

大黃

芒硝各一錢

水二碗表症甚者加薑三片葱頭二莖裏症甚者臨服加生蜜三匙

和服

5 內消沃雪湯 治癰疽發背內癰臟毒初起堅硬疼痛者

青皮

陳皮

乳香

沒藥

連翹

黃耆

當歸

甘草節

白芷

射干

天花粉

穿山甲

貝母

白芍

金銀花

皂角刺各八分

木香四分

大黃二錢

水酒各一碗煎至八分量病上下食前後服之

6 內疎黃連湯 癰疽熱嘔便秘煩躁飲冷噦皖心煩舌乾口苦六脈沉

實有力。邪毒在臟宜通引。

木香

黃連

山梔

當歸

黃芩

白芍

薄荷

檳榔

桔梗

連翹

甘草

大黃

水二茶鍾煎八分。食前服。加蜜二匙亦可。

7 透膿散 治癰疽內膿已成。

生黃耆 四錢

穿山甲 一錢

川芎 三錢

當歸 二錢

皂角刺 五錢

右五味。隨癰疽大小。斟酌加入諸方。水煎服。

8 托裏消毒散 補虛托毒。令其速潰。

人參

川芎

白芍

黃耆

當歸

白朮

茯苓

金銀花 各一錢

白芷

甘草

皂角針

桔梗 各五分

水二鍾煎八分。食遠服。脾弱者。去白芷。倍人參。

9 神功內托散 發背腦疽。不作腐潰。脈細身涼者宜。

當歸

白朮

黃耆

人參各一錢五分

白芍

茯苓

陳皮

附子各一錢

木香

甘草各五分

川芎一錢

山甲炒八分

煨薑三片。大棗二枚。水二鍾煎八分。食遠服。

10 回陽三建湯 陰疽危症

附子

人參

黃耆

當歸

川芎

茯苓

枸杞

陳皮

山萸肉各一錢

木香

甘草

紫草

厚朴

蒼朮

紅花

獨活各五分

煨薑三片。皂角樹根上白皮二錢。水二碗煎八分。入酒一杯。隨病上下食前後服之。

下食前後服之。

11 竹葉黃耆湯 表裏熱甚。口乾大渴。

人參

生黃耆

川芎

當歸

白芍

半夏一服

黃芩

石膏一錢

麥冬

甘草各八分

生地二錢

淡竹葉十片

水二鍾薑三片燈草二十根煎八分食遠溫服

12 琥珀蠟礬丸 護膜護心恐其攻毒

白礬 二錢

黃蠟 一兩

雄黃 二錢

琥珀 一錢 另研極細

硃砂 二錢

蜂蜜 二錢 臨入

右四味先研細末另將蠟蜜入銅杓內溶化離火片時候蠟四邊稍凝方將上藥入內攪勻共成一塊將藥火上微烘急作小丸如菜豆大硃砂為衣磁罐收貯每服二三十丸食後白湯送下毒甚者早晚日進二次

13 保安萬靈丹 大加表散

蒼朮 八兩

全蝎

石斛

明天麻

當歸

甘草 炙

川芎

羌活

荆芥

防風

麻黃

北細辛

川烏 湯泡去皮

草烏 湯泡去皮

何首烏 各一兩

明雄黃 六錢

右十六味為細末煉蜜為丸重三錢硃砂為衣磁罐收貯視年歲老壯病勢緩急斟酌用之孕婦忌服

立齋曰。膿熟不潰者。陽氣虛也。宜補之。瘀肉不腐者。宜大補陽氣。更以桑木灸之。膿清或不斂者。氣血俱虛。宜大補之。膿厚食少。死睡。或發熱者。虛也。宜補之。倦怠懶言。食少不睡者。虛也。宜補之。寒氣襲於瘡口。不能斂口。或陷下不斂者。溫補之。脈大无力。或微瀉者。氣血俱虛也。峻補之。出血或膿多。煩躁不眠者。乃亡陽也。急補之。凡潰膿而清。或瘡口不合。或聚腫不赤。肌寒肉冷。自汗色脫者。皆氣血虛也。非補不可。凡膿去多。瘡口雖合。尤當補益。務使氣血平復。否則更患他症。必難治療也。又曰。大抵膿血大泄。當大補氣血為先。雖有他症。以末治之。凡癰疽大潰。發熱惡寒。皆屬氣血虛甚。若左手脈不足者。補血藥當多於補氣藥。右手脈不足者。補氣藥當多於補血藥。切不可發表。蓋癰疽全藉氣血為主。若患而不起。潰而不腐。或不收斂。及膿少或清。皆氣血之虛也。俱宜大補之。最忌攻伐之劑。亦有膿反多者。迺氣血虛而不能禁止也。常見氣血充實之人。患瘡者。必腫高。色赤。易腐潰。而膿且稠。又易于收斂。怯弱之人。多不起發。不腐潰。又難於收斂。若不審察。而妄投攻劑。虛虛之禍。不免矣。至患後更當調養。若癰瘰。

流注之屬。尤當補益也。否則更患他症。必難措治。慎之。又曰。潰瘍若屬氣血俱虛。因所當補。若患腫瘍而氣血虛弱者。尤當預補。否則雖潰而不斂矣。又凡大病之後。氣血未復。多致再發。若不調補。必變為他症而危。或誤以瘡毒復發。反行攻伐。則速其不起。深為可戒也。又曰。瘡瘍若焮腫痛甚。煩燥脈大。則辛熱之劑。不但腫瘍不可用。即潰瘍亦不可用也。

潰瘍有餘之症。其辨有四。蓋一以元氣本強。火邪本盛。雖膿潰之後。而內熱猶未盡除。或大便堅實。而能食脈滑者。此形氣病氣俱有餘。仍宜清利。不宜溫補。火退自愈。亦善症也。一以真陰內虧。水不能制火。膿既泄而熱反甚。脈反躁者。欲清之。則正氣已虛。欲補之。則邪氣愈甚。此正不勝邪。窮敗之症。不可治也。一以毒深而潰淺者。其肌腠之膿已潰。而根盤之毒未動者。乃假頭非真潰也。不得遽認為潰瘍。而概施補托。若誤用之。則反增其害。當詳辨也。又有元氣已虛。極似宜補。然其稟質滯濁。肌肉堅厚。色黑而氣道多壅者。畧施培補。反加滯悶。若此輩者。真虛既不可補。假實又不可攻。最難調理。極易招怨。是亦不治之症也。總之潰瘍有餘者。十之一二。腫瘍不足者。十常四五。潰瘍宜清者少。腫瘍宜補者多。此亦以癰疽之危。

險有關生死為言。當防其未然也。至若經絡浮淺之毒。不過腫則必潰。潰則必收。又何必憊憊以補瀉為哉。

潰瘍主治類方

1 八珍湯 氣血俱虛

人參

白朮

茯苓

川芎

當歸

白芍

熟地黃

各一錢

甘草

各五分

水二鍾。薑三片。棗二枚。煎八分。食前服。

2 十全大補湯 潰後作痛。元氣虛也。

人參

白朮

茯苓

川芎

當歸

白芍

熟地

黃耆

肉桂

各一錢

甘草

各五分

水二鍾。薑三片。棗二枚。煎八分。食前服。若氣血不足。結腫未成膿者。

加陳皮。香附。半夏。連翹。服之自消。

3 補中益氣湯 氣虛勞倦。口乾發熱。頭痛惡寒。脈洪大。死力。及下陷足

腫等症。

黃耆一錢五分

甘草炙

人參

當歸

白朮各一錢

升麻

柴胡

陳皮各三分

或加麥門冬六分

五味子五分炒

水二鍾薑三片棗二枚煎一鍾空心熱服

4 人參養榮湯 發熱惡寒不能收斂

白芍一錢五分

人參

陳皮

黃耆

桂心

當歸

白朮

甘草各一錢

熟地

五味子

茯苓各八分

遠志五分

薑三片棗二枚水二茶鍾煎八分食遠服

5 人參黃耆湯 虛熱穢氣所觸作痛者宜

人參

黃耆

白朮

麥冬

歸身

蒼朮

甘草

陳皮

升麻

神糶各五分

黃蘗酒拌炒三分

五味子炒五分

水二鍾薑三片棗二枚煎八分食遠服

6 神應異功散 發熱作渴手足並冷陰盛陽虛腸鳴腹痛

木香

官桂

當歸

人參

茯苓

陳皮

白朮各一錢

半夏

丁香

肉豆蔻

附子

厚朴各五分

水二鍾薑五片棗三枚煎八分不拘時服

7 獨參湯 脈虛寒熱

人參二兩切片

作一劑水二鍾棗十枚或蓮肉龍眼肉煎好徐徐服之若煎至稠厚

即成膏矣作三次用醇酒化服亦可

8 托裏清中湯 脾胃虛弱咳嗽痰氣不清

人參

白朮

桔梗

陳皮

半夏

茯苓各一錢

麥冬

五味子

甘草各五分

水二鍾薑三片棗二枚煎八分食遠服

9 托裏建中湯 寒傷嘔泄

人參

白朮

茯苓

半夏

炮薑

各一錢

甘草

五分

附子

八分

或加遠志

一錢

水二鍾煨薑三片。棗二枚煎八分。不拘時服。

10 托裏溫中湯 瘡為寒變。反至不疼。便澹腹痛。

白朮

茯苓

木香

丁香

各五分

半夏

陳皮

羌活

益智

乾薑

炮

人參

白朮

甘草

各一錢

附子

二錢

水二鍾薑三片。棗二枚煎八分。不拘時服。

11 保元大成湯 元氣素虛。膿水出多。

人參

白朮

黃耆

各二錢

茯苓

白芍

陳皮

歸身

甘草

炙

附子

山萸肉

五味子

各一錢

木香

砂仁

各五分

水二鍾煨薑三片。大棗二枚煎八分。食遠服。

12 香砂六君子湯 胃虛嘔吐。

人參

白朮

茯苓

陳皮

半夏

錢各一

甘草

藿香

砂仁

各五分

薑三片。棗二枚。水二鍾煎八分。食遠服。

減去藿香砂仁名六君子湯。

13 清震湯 呃逆。

益智仁

陳皮

半夏

茯苓

人參

甘草

香附

錢各一

柿蒂

二十個

澤瀉 三分

薑三片。棗二枚。燈心二十根。水二鍾煎八分。不拘時服。如手足冷者。

加熟附子一錢。身熱口乾便燥火呃者。加黃連五分。

14 橘皮竹茹湯 呃逆。

橘紅 二錢

竹茹 三錢

半夏 三錢

人參 一錢

甘草 五分

枇杷葉 二錢

麥冬 一錢五分

赤苓 三錢

薑三片。棗二枚。水二鍾煎八分。空心溫服。

15 歸脾湯 滋養心脾。

白朮 土炒

茯苓

黃耆

棗仁 炒

龍眼肉各一錢

木香

人參

甘草各五分

當歸一錢酒洗

遠志五分去心

薑一片。棗二枚。水煎。食遠服。

16 醒脾益胃湯 傷冷浮腫小便不利

人參

陳皮

茯苓

半夏

山藥

白朮各一錢

蒼朮

厚朴

澤瀉

麥芽

木香

山查

蘇子

豬苓各五分

老黃米炒黃一錢

水二鍾。薑三片。燈心二十根。煎八分。食前服。

17 二神丸 治脾胃虛弱。飲食不消。大便溏泄。

破故紙四兩微炒

肉果肥大者二兩麩裏煨切片益去油

用大棗四十九枚。老生薑四兩。切片浸棗薑煮至水乾為度。取棗肉

為丸。梧子大。每服七十九丸。清米湯空心送下。及治尋常腎虛脾泄俱

效。

18 加減八味丸 生津止渴。

茯苓

山藥

丹皮

山萸

澤瀉三兩

五味子炒三兩

肉桂六錢

熟地八兩

以上八味共為末。煉蜜丸如梧子大。每服二錢。空心鹽湯送下。

按六味地黄丸即本方去肉桂五味子。改作煎劑。名六味地黄湯。

丙 汗下

仲景治傷寒有汗吐下三法。東垣治瘡瘍有疎通托裏和榮衛三法。用之得宜。厥疾瘳矣。假如瘡瘍腫硬木悶。煩熱便秘。脈沉而實。其邪在內。當先疎其內。以下之。焮腫作痛。便利調和。脈浮而洪。其邪在表。當先托其裏。以汗之。元戎云。榮衛充滿。遏抑而為癰者。當泄之。以奪盛熱之氣。榮衛虛弱。壅滯而為癰者。當補之。以接虛怯之氣。又東垣云。瘡瘍雖面赤伏熱。不得攻裏。裏虛則下利。仲景云。瘡家雖身疼體痛。不可發汗。汗之則發癰。苟不詳審。妄為汗下。以致氣血虧損。毒反延陷。少壯者難以潰斂。老弱者多致不救。

張景岳云。瘡瘍之屬在表邪者。惟時毒丹毒斑疹及頭面頸項上焦之症。多有之。察其果有外邪。而脈見緊數。症有寒熱者。方宜表散。然散之之法。

又必辨其陰陽盛衰。故或宜溫散。或宜涼散。或宜平散。或宜兼補而散。或宜解毒而散。此散中自有權宜也。又如裏症用下之法。毒威勢劇者。大下之。滯毒稍輕者。微下之。榮虛便結而毒不解者。養血滋陰而下之。中氣不足而便結壅滯者。潤導而出之。凡此皆通下之法。但宜酌緩急輕重。而用得其當耳。故必察其毒果有餘。及元氣壯實。下之必死者。方可用下。否則不但目前。且尤畏將來難結之患。是以表症不真者。不可汗。汗之則亡陽。裏症不實者。不可下。下之則亡陰。亡陰亦死。亡陽亦死。醫固可以孟浪乎。

丁 消托

癰疽之證發無定處。欲內消於初起之時。惟在行氣活血解毒消腫而已。立齋云。瘡瘍之證當察經之傳受。病之表裏。人之虛實。而攻補之。假如腫痛熱渴。大便秘結者。邪在內也。疎通之。腫焮作痛。寒熱頭痛者。邪在表也。發散之。焮腫痛甚者。邪在經絡也。和解之。微腫微痛而不作膿者。氣血虛也。補托之。漫腫不痛。或不作膿。或膿成不潰者。氣血虛甚也。峻補之。色暗而微腫痛。或膿成不出。或腐肉不潰者。陽氣虛寒也。溫補之。若泥其未潰。

而概用敗毒重損脾胃。不惟腫者不能成膿。而潰者亦難收斂。七惡蜂起。多致不救。丹溪云。腫瘍內外皆壅。宜以托裏表散為主。如用大黃。寧死益浪之非。潰瘍內外皆虛。空以托裏補接為主。如用香散。未免虛虛之失。治者審之。

二 外治法

甲 辨膿

立齋云。瘡瘍之症。毒氣已成者。宜用托裏。以速其膿。膿成者。當驗其生熟。深淺而針之。若腫高而軟者。發於血脈。腫下而堅者。發於筋骨。皮肉之色不變者。發於骨髓。小按便痛者。膿淺也。大按方痛者。膿深也。按之而不復起者。膿未成也。按之而復起者。膿已成也。膿生而用針。氣血既泄。膿反難成。若膿熟而不針。腐潰益深。瘡口難斂。若瘡深而針淺。內膿不出。外血反泄。若瘡淺而針深。內膿雖出。良肉受傷。若元氣虛弱。必先補而後針。其膿出。諸症自退。若膿出而反痛。或煩躁嘔逆。皆由胃氣虧損。宜急補之。又曰。膿成之時。氣血壯實者。或能自出。怯弱者。不行針刺。鮮有不誤。凡瘡瘍透膜。十死一生。雖以大補之藥治之。亦不能生。此可為待膿自出之戒也。

乙 去腐

立齋曰：夫腐肉者，惡肉也。凡癰疽瘡腫潰後，若有腐肉凝滯者，必取之。迺推陳致新之意。若壯者筋骨強盛，氣血充溢，真能勝邪，或自出，或自平，不能為害。若年高怯弱之人，血液少，肌肉澁，必迎而奪之，順而取之，是謂定禍亂，以致太平。設或留而不去，則有爛筋腐骨之患。予嘗見腐肉既去，雖少壯者不補其氣血，尚不能收斂。若怯弱者，不去惡肉，不補氣血，未見其生也。古人云：壞肉惡於狼虎，毒於蜂蠆。緩去之，則戕賊性命。信哉！又曰：元氣虛弱，多服剋伐之劑，患處不痛，或肉死不潰者，急溫補脾胃，亦有復生者。後當純補脾胃，庶能收斂。此亦不可妄用刀割。若因去肉出血，則陽隨陰散，是速其危矣。

丙 定痛

德之曰：瘡疽之候不同，凡寒熱虛實，皆能為痛。故止痛之法，殊非一端也。世人皆謂乳沒珍貴之藥，可住疼痛，而不知臨病制宜，自有方法。蓋熱毒之痛者，以寒涼之藥折其熱而痛自止也。寒邪之痛，以溫熱之劑熨其寒，則痛自除也。因風而痛者，除其風，因濕而痛者，導其濕，燥而痛者，潤之，塞

而痛者通之。虛而痛者補之。實而痛者瀉之。因膿鬱而閉者開之。惡肉侵蝕者去之。陰陽不和者調之。經絡閉澀者和之。臨機應變為上醫。不可執方而死權也。

丁 止血

瘡瘍出血。因五臟之氣虧損。虛火動而錯經妄行。當以涼血降火為主。有肝熱而血妄行者。有肝虛而不能藏血者。有心虛而不能生血者。有脾虛而不能統血者。有脾肺氣虛而出血者。有氣血俱虛而出血者。有陰火動而出血者。當求其經。審其因而治之。凡朱血過多。見煩熱發渴等症。勿論其脈急補其氣。所謂血脫補氣。陽生陰長之理也。若發熱脈大者。不治。

戊 生肌收口

陳良甫曰。癰疽之毒。有淺深。故收斂之功。有遲速。斷不可早用生肌收口之藥。恐毒氣未盡。後必復發。為患非輕。若癰久不合。其肉白而膿少者。氣血俱虛。不能潮運。而瘡口冷澀也。又曰。脈得寒則下陷。凝滯肌肉。故曰留連肉腠。是為冷漏。須溫補之。

立齋曰。夫肌肉者。脾胃之所主。收斂者。氣血之所使。但當純補脾胃。不宜

泛敷生肌之劑。夫瘡不生肌而色甚赤者。血熱也。色白而死神者。氣虛也。晡熱內熱。陰血虛也。膿水清稀者。氣血虛也。食少體倦脾。氣虛也。煩熱作渴。飲食如常。胃火也。熱渴而小便頻數。腎水虛也。若敗肉去後。新肉微赤。四沿白膜者。此胃中生氣也。但當培補之。則不日而斂。如妄用生肌之藥。餘毒未盡。而反益甚耳。蓋瘡瘍之作。由胃氣不調。瘡瘍之潰。由胃氣腐化。瘡瘍之斂。由胃氣榮養。東垣云。胃乃生發之源。為人身之本。丹溪亦謂。治瘡瘍當胃助壯氣。使根本堅固。誠哉是言也。

乙 薄貼

徐靈胎云。今所用膏藥。古人謂之薄貼。其用大端有二。一以治表。一以治裏。治表者如呼膿去腐。止痛生肌。并遮風護肉之類。其膏宜輕薄。而日換。此理人所易知。治裏者。或驅風寒。或和氣血。或消痰痞。或壯筋骨。其方甚多。藥亦隨病加減。其膏宜重厚。而久貼。此理人所難知。何也。蓋人之疾病。由外以入內。其流行於經絡藏府者。必服藥乃能驅之。若其病既有定所。在于皮膚筋骨之間。可按而得者。用膏貼之。閉塞其氣。使藥性從毛空而入。其腠理通經貫絡。或提而出之。或攻而散之。較之服藥。尤有力。此至妙。

之法也。故凡病之氣聚血結而有形者，薄貼之法為良。但製膏之法取藥必真，心志必誠，火候必到，方能有效。否則不能奏功。至于數愈吊瀉種種雜法亦相同。在善醫者通變之而已。

庚 圍藥

外科之法最重外治，而外治之中尤重圍藥。凡毒之所最忌者，散大而頂不高。蓋人之一身豈能無七情六慾之伏火，風寒暑濕之留邪，食飲痰涎之積毒，身无所病，皆散處退藏，氣血一聚而成癰腫，則諸邪四面皆會。惟圍藥能截之，使不併合，則周身之火毒不至矣。其已聚之毒不能透出皮膚，勢必四布為害。惟圍藥能束之，使不散漫，則氣聚而外洩矣。如此則形小頂高，易膿易潰矣。故外治中之圍藥較之他藥為特重。不但初起為然，即成膿收口，始終賴之。一日不可缺。圍藥而用三黃散之類，每試不效，非圍藥無用。又如既破之後，而仍用圍藥者，因極輕之毒，往往至於散越，而不可收拾，不得不用圍藥也。至于圍藥之方，亦甚廣博，大段以消痰拔毒，束肌收火為主，而寒熱攻提和平猛厲，則當隨症去取，固不可拘執者也。

中國外科學大綱卷下

吳江許半龍輯

各論

第一章 局部病

第一節 外瘍

一頭部

▲鬢疽

鬢疽屬肝膽二經怒火。或腎水不能生木。或風熱凝結而成。凡發熱作渴者。用（柴胡清肝湯）腫焮痛甚者。用（仙方活命飲）膿潰用參耆芎歸。白芷銀花之類托之。或水不能生木者。用（六味丸）氣虛者。用（補中益氣湯）皆當滋其化源為善。

主治方

1 柴胡清肝湯

柴胡

生地

各一錢五分

當歸

二錢

赤芍

一錢五分

川芎

一錢

連翹

二錢

牛蒡

一錢五分

黃芩

一錢

山梔

天花粉

甘草節

防風

各一錢

水二鍾煎八分。食遠服。

2 仙方活命飲 見上腫瘍

3 六味丸

4 補中益氣湯 俱見上潰瘍

▲大頭瘡

大頭瘡因少陽之火上至高頂。故通首俱腫。其形如疔毒之走黃。不日腫開。但无頂象。紅腫中自有水泡耳。腫至半頭者易治。若一頭紅腫則險甚矣。宜用黃連犀角石膏等味。或（普濟消毒飲）加減治之。

主治方

1 普濟消毒飲

黃芩

黃連各二錢

人參一錢

陳皮去白

玄參

甘草

柴胡

桔梗各一錢五分

連翹

馬勃

牛蒡

板藍根

升麻

僵蠶各五分

水二鍾煎八分。食後服。如大便燥。加酒煨大黃一錢。或二錢。以利為

度腫勢甚者宜砭去惡血

2 神授衛生湯

3 托裏消毒散

4 透膿散 俱見上腫瘍

▲玉枕疽

玉枕疽太陽膀胱濕熱凝滯而成紅腫有膿者生紫黑陰陷者死

主治方

1 神授衛生湯

2 托裏消毒散 俱見上腫瘍

(注意)參觀腦疽

▲耳後發

耳後發屬手少陽三焦足少陽膽經色紅者怒大所致色白者痰氣所生有頭高腫易治无膿軟陷者不治

主治方

1 仙方活命飲

2 托裏消毒散

3 透膿散 俱見上腫瘍

▲蟾頭

蟾頭因濕熱薰蒸胎毒上攻而成。內有衣膜。若毒出而膜未除。雖愈復發。

二面部

▲夾車毒

夾車毒是足陽明胃經穴也。因穴定名。兼手少陽三焦地位是。怒火積熱所致。凡牙邊出臭水者不治。

主治方

1 犀角升麻湯 初起清解。

犀角 二錢五分 升麻 一錢五分

生甘草 五分 白芷 八分

防風 八分

黃芩 八分

川芎 八分

白附子 八分 裏煨 麩

羌活 一錢二分

水三鍾煎一鍾食遠熱服

2 升陽散火湯 過敷寒藥以致肌冷凝結堅硬難消難潰者。

撫芎 六分

蔓荊子

白芍

防風

羌活

甘草 半生

人參 各一錢

柴胡

香附 各一錢五分

葛根 一錢

升麻 一錢

殭蠶 一錢五分

生薑一片。紅棗一枚。水三鍾煎一鍾食遠溫服。

3 托裏消毒散 見上腫瘍

▲耳根癰

耳根癰是手太陽小腸經連及足陽明胃經風熱所致與夾車毒相似但非齒痛不可不辨。

主治方

1 仙方活命飲

2 透膿散 俱見上腫瘍

▲發頤

發頤因傷寒用藥發散未盡傳化為熱以致項之前後或單或雙結腫疼痛初起表散後宜托裏。

主治方

1 荆防敗毒散 寒熱頭疼。腮項俱腫

荆芥

防風

羌活

獨活

前胡

柴胡

桔梗

川芎

枳殼

茯苓各一錢

人參

甘草各五分

薑三片。水二鍾煎八分。食遠服。寒甚加葱三枝。

2 托裏消毒散 見上腫瘍

▲ 顴骨疽

顴骨疽。上焦陽明鬱火所致。靈樞經云。心病者顴赤。又云。腎病者顴骨面黑。然則赤者與(黃連安神丸)降心火。(補心丸)養心血。色黑者以(地黃丸)滋腎水。不可執于陽明鬱火也。

主治方

1 黃連安神丸

黃連淨酒炒一分

硃砂細研水飛

生地黃

當歸頭各一分

甘草炙五分

右藥共研極細末。蒸餅為丸。如黃米大。每服十九丸。口津嚥下。

2 補心丸

川芎

全當歸 酒洗

生地黄 各一兩

人參

甘草 各一兩

遠志 去心二錢

酸棗仁 炒

柏子仁 去油各三兩

金箔 二十片

麝香 一錢

琥珀 三錢

茯神 去皮木七錢

硃砂 另研

牛膽南星 各五錢

石菖蒲 六錢

右藥共研細末。蒸餅糊為丸。如綠豆大。硃砂為衣。每服七八丸。津唾嚥下。或薑湯送下。

3 地黃丸 見上潰瘍

4 仙方活命飲 見上腫瘍

▲破腮毒

破腮毒。屬陽明胃經之火。此處難斂。必說明方可針之。否則以不斂歸咎。然越三載亦可愈。

主治方

1 仙方活命飲

2 托裏消毒散 俱見上腫瘍

▲托腮

托腮屬陽明胃經風熱壅滯而成。

主治方

1 紫胡葛根湯

紫胡

葛根

石膏

花粉

黃芩各一錢

甘草五分

牛蒡

連翹

桔梗各一錢

升麻三分 ○水二鍾煎八分。不拘時服。

2 托裏消毒散 見上腫瘍

三頸項部

▲腦疽

腦疽屬太陽膀胱經。初起腫赤痛甚。煩渴飲冷。脈洪數有力。濕熱上湧也。漫腫微痛。渴不飲冷。陰虛火熾也。口舌乾燥。小便頻數。或淋漓作痛。腎水虧損也。若色暗不潰。潰而不斂。乃陰精消涸。名曰腦燥。不治。

主治方

1 保安靈萬丹

2 仙方活命飲

3 托裏消毒散

4 神功內托散

俱見上腫瘍

5 十全大補湯

6 人參養榮丸

7 加減八味丸

俱見上潰瘍

▲瘰癧

瘰癧之症多生于耳前後項腋間。肝膽部分。不問大小。其脈左關弦緊。右尺洪數者。廼腎水不能生肝木。以致膽火燥而筋攣。止宜補形氣調經脈。滋腎水。其瘡自消散。使不從本而治。妄用伐肝之劑。則誤矣。蓋伐肝則脾土瀉而損五臟之原。可不慎哉。如纏頸至胸潰爛。精神怯薄者不治。

主治方

1 防風解毒湯 風毒瘰癧手足少陽部分。耳項結腫。或外寒內熱痰凝

氣滯者。

防風

荊芥

桔梗

牛蒡子

連翹

甘草

石膏

薄荷

枳殼

川芎

蒼朮

知母

○水二鍾燈心二十根煎八分食後服

2 連翹消毒飲

熱毒瘰癧濕痰作痛不能轉側者

連翹

陳皮

桔梗

玄參

黃芩

赤芍

當歸

山梔

葛根

射干

花粉

紅花

甘草

大黃

者切起使燥加之

水二鍾煎八分食後服有痰者加竹茹一錢

3 小柴胡湯 寒熱兼瘰癧

柴胡

半夏

人參

甘草

黃芩

生薑

大棗

水煎服

4 逍遙散 散鬱調經潮熱惡寒

當歸

白芍

茯苓

白朮

香附

黃芩

陳皮

薄荷

甘草

柴胡

○水二鍾煎八分食遠服

5 滋榮散堅湯 憂傷潮熱癩癰堅硬腫痛未潰者

川芎

當歸

白芍

熟地

陳皮

茯苓

桔梗

白朮

香附

各一錢

甘草

海粉

貝母

人參

昆布

各五分

升麻

紅花

各三分

水二鍾薑三片棗二枚煎八分食遠服

如一。身熱加柴胡。黃芩。二。

自汗盜汗去升麻倍人參黃耆三。飲食無味加藿香砂仁。四。食而不

化加山查麥芽五。胸膈痞悶加澤瀉木香。六。咳嗽痰氣不清加杏仁。

麥冬七。口乾作渴加知母五味子。八。睡卧不寧加黃柏遠志棗仁。九。

驚悸健忘加茯苓石菖蒲。十。有汗惡寒加薄荷半夏。十一。无汗惡寒。

加茅朮藿香。十二。女人經事不調加元胡索牡丹皮。十三。腹脹不寬。

加厚朴大腹皮。

6 益氣養榮湯 治七情抑鬱勞傷氣血頸項筋縮結成癩癰如貫珠謂

之筋癰

人參

茯苓

陳皮

貝母

香附

當歸

川芎

黃耆

熟地

白芍

甘草

桔梗

白朮 二錢

錢各一

各五分

薑三片。棗二枚。水二鍾煎八分。食遠服。如一。胸膈痞悶。加枳殼。木

香。二。飲食不甘。暫加厚朴。蒼朮。三。往來寒熱。加柴胡。地骨皮。四。膿潰

作渴。倍人參。黃耆。當歸。白朮。五。膿多。或清。倍當歸。川芎。六。脇下痛。或

痞。加青皮。木香。七。肌肉生涎。加白薇。肉桂。八。痰多。加半夏。橘紅。九。口

乾。加麥門冬。五味子。十。發熱。加柴胡。黃芩。十一。渴不止。加知母。赤小

豆。十二。膿不止。倍人參。黃耆。當歸。十三。潰後反痛。加熟附子。沉香。

十四。虛煩不睡者。倍人參。熟地。遠志。棗仁。

7 八珍湯

8 十全大補湯

9 歸脾湯 俱見上潰瘍

▲ 猛疽

癰發噎中。名曰猛疽。又曰喉癰。屬任脈。及手少陰。手少陽。積熱。憂憤所致。

宜清熱攻毒。

主治方

1 清咽利膈湯 見下咽喉

2 黃連解毒湯 見下疔瘡

▲天泡瘡

天泡瘡形如水泡皮薄而澤。乃太陰陽明風熱所致。故見于皮毛肌肉之間。宜清大涼血熱解則愈。此症不獨頸項有之。

主治方

1 解毒瀉心湯 心經火旺酷暑時臨天泡發及遍身者。

黃連

防風

荊芥

山梔

黃芩

牛蒡子

滑石

玄參

知母

石膏各錢

甘草

木通各五分

水二鍾燈心二十根煎八分。食後服。

▲頸癰

頸癰屬手三陽三焦經鬱火積憤驚惶所致。

主治方

2 荆防敗毒散 見上面部

3 仙方活命飲

4 托裏消毒散 俱見上腫瘍

▲ 鈕扣風

鈕扣風 風濕凝聚搔癢如癬 不治沿漫項背

主治方

1 消風散 見下遍身

四眼部

▲ 目疾

夫目者應乎五臟而主乎肝者也。兩腎亦屬心。烏心圓大屬肝。眼胞上下屬脾。滿眼白睛屬肺。腫人屬腎。五臟有乖。則傳經于目。此有專門。余不必贅矣。

主治方

1 疎風清肝湯

歸尾

赤芍

荆芥

防風

川芎

菊花

山梔

薄荷

各一錢

紫胡

連翹

各一錢五分

金銀花

二錢

甘草

五分

燈心五十寸。水煎食遠服。

2 涼膈清脾飲

防風

荆芥

黃芩

石膏

山梔

薄荷

赤芍

連翹

生地

錢各一

甘草

五分

水二鍾。燈心二十根。煎八分。食後服。

3 六味地黃丸 腎虛目眩見上潰瘍。

五鼻部

▲鼻疔

鼻疔。手太陽肺經火旺而注於此也。宜瀉肺清火。

主治方

1 蟾酥丸 見下疔瘡

▲鼻痔

鼻痔。由肺氣不清。風濕鬱滯而成。凡嗜火酒者。往往有之。

主治方

1 辛夷清肺飲

辛夷 六分

黃芩

山梔

麥門冬

百合

石膏

知母 各一錢

甘草 五分

枇杷葉

三片
去毛

升麻

三分

水二鍾煎八分。食後服。

▲鼻衄

鼻衄。因肺經火旺。逼血妄行。而從鼻竅出焉。若時毒。或別有本症。而出血。則名紅汗。治之易愈。

主治方

1 止血四生湯

生荷葉

生艾

生柏葉

生地黄

各三錢

水二鍾煎一鍾。食後溫服。臨服入童便一杯。更妙。

▲腦漏

腦漏因風寒凝入腦戶。與太陽濕熱交蒸而成。其患鼻流濁涕或黃水。點滴無乾。久則虛暈不已。

主治方

1 奇授養香丸

養香連枝葉 八兩

研細末。雄豬膽汁和丸。如梧桐子大。每服五錢。食後蒼耳子湯下。或黃酒送下。

六耳部

▲耳病

耳屬手少陽三焦經。內經曰。腎通竅于耳。是知寒熱紅腫者。三焦之症也。蟬鳴重聽。或出水作癢。外无焮腫者。腎之病也。當審其經而治之。

主治方

1 龍膽瀉肝湯 耳疔出五色膿。氣實火甚者宜。

龍膽草

連翹

生地黃

澤瀉 各一錢

車前子

木通

歸尾

生梔子

甘草

黃芩

黃連有濕用
各五分

大黃一便秘用
錢

水二鍾煎八分食前服

2 梔子清肝湯

治耳痔耳蔓耳挺等症

牛蒡子

柴胡

川芎

白芍

石膏

當歸

山梔

丹皮各一錢

黃芩

黃連

甘草各五分

水二鍾煎八分食後服

3 黃連解毒湯

耳疔。見下疔瘡

4 柴胡清肝湯

耳疔。見上頭部

5 六味丸

腎虛耳聾。見上潰瘍

七唇口部

▲口內上脣癰

上脣屬手太陰肺。手厥陰心包絡二經。其癰初起如乳蛾而腫至上脣。有左右俱發者。亦有喉不甚腫而其脣大腫者。各隨症施治。

主治方

1 黃連解毒湯 見下疔瘡

▲唇口瘡

唇口生瘡。是風熱蘊於足太陰脾經。以致唇燥赤裂。

主治方

1 神授衛生湯 見上腫瘍

八舌部

▲重舌

重舌因心火旺動而發。心為君主之官。開竅于舌。心火旺則舌之症出焉。不獨重舌而已也。各載于下。當用（黃連瀉心湯）之類。

主治方

1 黃連瀉心湯

黃連

山梔

荊芥

黃芩

連翹

木通

薄荷

牛蒡子

各一錢

甘草 五分

水二鍾燈心二十根煎八分食後服

2 導赤散 口糜舌瘡

木通

生地各二

甘草一錢

竹葉二十片水一鍾煎半鍾溫服

△舌脈

舌脈者。心火旺動。其舌堅硬。當用犀角。黃連。生地。丹皮。木通等味。又癰疽。無論已安未安。口舌黃燥如雞內金者。又有舌黑如一錠墨者。若如山嶂青者。乃腎水枯竭。心火上炎。此症最惡。古人云。玉華池竭。七廟士急用。一。加減八味丸。以滋補之。又東垣云。有舌脈如菌。曾用參麥散而愈。想必病後故耳。

主治方

1 黃連瀉心湯

2 導赤散 俱見上重舌

3 加減八味丸 見上潰瘍

▲痰包

痰包痰乘火流凝於舌下。靨腫綿軟作痛。

主治方

1 加味二陳湯

陳皮

半夏

茯苓

甘草

黃芩

各八分

黃連

薄荷

各五分

水二鍾。薑三片。煎八分。食前服。

九齒部

▲骨槽風

骨槽風初起耳前連及腮項痛隱筋骨。漸則堅腫盜痛。肉腫兩邊。骨關緊急。不能飲食。寒熱大作。腐爛不已。由鬱火傷肝。思慮傷脾所致。此症不能速愈。若有調理。可以无事。必致腐骨出盡而後已。至於時之久近。則視乎骨之大小也。

主治方

1 清陽散火湯

升麻

白芷

黃芩

牛蒡子

連翹

石膏

防風

當歸

荊芥

白蒺藜

甘草

各一錢五分

水二鍾煎八分食後服

2 中和湯 漬流臭膿疼痛不止

人參

黃耆

白朮

白芷

川芎

當歸

甘草

桔梗

白芍

各一錢

肉桂

麥冬

藿香

各五分

水二鍾薑三片棗二枚臨服入酒一杯食後服

▲牙齦癰

牙齦癰。齒盡處發腫。口張不得。皆足陽明胃手少陽三焦二經風熱上攻

所致。

主治方

1 清陽散火湯 見上骨槽風

▲牙癰

牙癰。陽明經風熱之症也。宜用清胃祛風之劑。

主治方

1 涼膈散 陽明經濕熱上攻致牙根腮項作腫疼痛。

連翹

山柘

黃芩

薄荷

各一錢

甘草

五分

大黃

一錢

朴硝

一錢五分

石膏

五錢

淡竹葉

三十片

水二鍾煎八分入蜜三匙和勻食遠服。

2 清中散 胃經積熱

當歸

黃連

生地

山柘

各一錢

牡丹皮

六分

升麻

八分

甘草

五分

水二鍾煎八分食遠服或加石膏。

▲牙疳

牙疳亦陽明胃經之火至走馬疳則在小兒疹痘後餘毒又有雜病積熱而成者其患牙根臭腐齒落黑朽不數日即穿腮破唇誠為不治間有飲食進而生全者百中一二而已。

主治方

1 蘆薈消疳飲

蘆薈

銀柴胡

胡黃連

牛蒡子

元參

桔梗

山梔

石膏

薄荷

羚羊角

各五分

甘草

升麻

各三分

水二鍾。淡竹葉十片。煎六分。食後服。

▲牙宣

牙齦之症有二。牙縫出血。是足陽明胃經實火上攻。若肉腐出血。是胃虛火動。各審其因而治之。

主治方

1 清中散 見上牙癰

2 犀角地黄湯 見下疔瘡

3 六味丸 見上潰瘍

齒病引經藥

(上四門牙) 屬心。加黃連、麥冬。

(下四門牙) 屬腎。加知母、黃蘗。

(上兩邊牙) 屬胃。加川芎、白芷。

(下兩邊牙) 屬脾。加白芍、白朮。

(上左上大牙)屬膽加羌活。膽草。(下左下大牙)屬肝加柴胡。山梔。
(上右上大牙)屬大腸加大黃。枳殼。(下右下大牙)屬肺加桔梗。黃芩。

十咽喉部

▲緊喉風

緊喉風。肺胃風熱。咽喉腫痛。聲音難出。湯水不下。痰聲似拽鋸。初發暴
速。若兼項外統腫。即名纏喉風。男子延至結喉。女子至胸。聲響如雷。不
治。

主治方

1 清咽利膈湯 風熱喉症。痰涎壅盛。

牛蒡子

連翹

荆芥

防風

梔子

桔梗

玄參

黃連

金銀花

黃芩

薄荷

甘草

大黃

朴硝

水二鍾。淡竹葉二錢。煎八分。食遠服。

▲慢喉風

慢喉風屬體虛病實發緩色淡腫微咽乾若午前痛者服補劑午後作痛作渴身熱足冷者陰陽兩虛也忌用苦寒之劑

主治方

1 甘露飲 咽嗑乾燥

天冬

麥冬

黃芩

生地

熟地

枇杷葉

石斛

枳殼

茵陳蒿

甘草各等分

水二鍾煎八分食後服

2 少陰甘桔湯 少陰咽痛

桔梗 二錢

甘草一錢生

陳皮

川芎

黃芩

柴胡

玄參各六分

羌活

升麻各四分

水二鍾葱白一根煎八分不拘時服

3 補中益氣湯 見上潰瘍

▲乳蛾

乳蛾亦肺胃風熱生咽喉之旁。狀如蠶蛾。雙者輕。單者重。生於關前者。形色易見。故易治。生於關後者。形色不見。故難治。

主治方

1 清咽利膈湯 見上緊喉風

▲喉痺

喉痺。乃一陰一陽結也。一陰肝與心主也。一陽膽與三焦也。肝膽屬木。心主三焦屬火。四經皆從熱化。其脈並絡于喉。熱邪內結。而為喉閉。初覺時癢。紅絲哽痛。即宜清散。繼用清滋。

主治方

1 鼠粘子解毒湯 兼治酒毒

鼠粘子

桔梗

青皮

升麻

黃芩

花粉

生草

玄參

梔子

黃連

連翹

葛根

白朮

防風

生地

各等分

水煎服

2 清咽利膈湯 見上紫喉風

3 甘露飲 見上慢喉風

▲喉疔

喉疔。咽噤乾燥。如毛草常刺喉中。微腫微痛。日久其色紫暗不鮮。破爛腐衣。疊若蝦皮。聲音雌啞。喘急多痰。乃腎液虧耗。相火炎上。消燬肺金也。

主治方

1 甘露飲 見上慢喉風

2 加減八味丸 見上潰瘍

▲喉癰

喉癰。咽噤乾燥。初覺時癢。次生苔蘚。色暗不紅。燥裂疼痛。時吐臭涎。妨礙飲食。此熱結於胃。胃火薰肺而成。

主治方

1 廣筆鼠粘湯

生地黃

浙貝母

各三錢

玄參

生草

各二分

鼠粘子

花粉

射干

連翹

各二分

白蠟蠶一錢

苦竹葉

二十片

水二鍾煎八分。饑時服。

十一肩背部

▲肩疽

肩係手足三陽交會之所。此處發疽。由風熱蘊結。或負重傷損而然。

主治方

1 荆防敗毒散 見上頸項部

2 托裏消毒散

3 內疎黃連湯 俱見上腫瘍

▲發背

發背屬膀胱督脈。其名雖多。要惟陰陽二字盡之。其形焮赤高腫發熱疼痛。飲食頗進。脈洪數而有力者。為癰熱毒之症也。屬陽易治。若漫腫微痛。色暗作渴。煩悶便秘。飲食少思。脈洪數無力。或微細者。為疽陰虛之症也。屬陰難治。其或膿出反痛。膿水臭敗。煩燥時嗽。腹痛渴甚。飲食不進。瀉利无度。小便如淋。此惡症也。皆不可治。凡屬陽症而神氣清爽。飲食如常者。

不可驟補。若外似有餘，內實不足，脈微細而先痰嗽之疾，初起即當用參者，以峻補之。否則恐難結局也。

主治方

1 神授衛生湯

2 琥珀蠟礬丸

3 托裏消毒散

4 回陽三建湯 俱見上腫瘍

十二腰部

△腎俞發

腎俞發生於足太陽膀胱十四椎腎俞穴也。穴在兩腰陷肉之間，由房勞太過傷腎水而發紅活高腫作膿者，生紫黑乾枯不作膿者，為真陰內敗不治。又咳嗽嘔噦腰間似折不能俯仰者，亦不治。

主治方

1 金匱腎氣丸 腰腎潰瘍

熟地 四錢

山萸肉

淮山藥 各二兩

茯苓

丹皮

澤瀉各一兩
五錢

附子泡

肉桂各五錢

共為末。蜜丸如梧子大。每服五十九丸。米湯下。以僭壓之。

2 人參養榮湯

3 加減八味丸 俱見上潰瘍

十三胸乳部

▲乳癰乳岩

乳房屬陽明胃經。乳頭屬厥陰肝經。男子房勞恚怒傷于肝腎。婦人胎產憂鬱損于肝脾。凡乳房腫痛。色赤或漸腫色白。雖有陰陽之別。然或散或潰。總屬膽胃氣血壅滯。名曰乳癰。易治。內若結小核。積日漸大。或噉岩崩破。如石榴。或內潰深洞。血水滴瀝。此屬肝脾鬱怒。氣血虧損。名曰乳岩。不治。如初起知覺。即益氣養榮。服大補之劑。猶可消散。若行氣補血。則速其成。至大如雞卵。難治。潰時出水。或出血。雖仙手。元能為矣。

主治方

▲乳癰

1 荆防牛蒡湯 外吹寒熱腫痛。

荊芥

防風

牛蒡子研炒

金銀花

陳皮

花粉

黃芩

蒲公英

連翹去心

皂刺各一錢

香附子

甘草各五分

水二鍾煎八分食遠服

2 橘葉瓜蒌散 寒熱退仍腫

橘葉二十個

瓜蒌半個或一個

川芎

黃芩

梔子生研

連翹去心

石膏煨紫腫者去之

柴胡

陳皮

青皮

甘草五分

水二鍾煎八分食遠服

3 復元通氣散 毒氣滯塞不通

青皮

陳皮各四兩

括萎仁

穿山甲各二兩

金銀花

連翹各一兩

甘草二兩半

右七味研末每服二錢黃酒調下

4 回乳四物湯 產婦無兒喫乳致乳汁腫脹堅痛

川芎

當歸

白芍

生地各二錢

麥芽

二兩炒
為粗末

水三鍾煎八分。食遠服。用脚布束繫兩乳。以手按揉。其腫自然消散。甚者再用一服。

5 疎肝流氣飲 乳癰乳癰。由于肝鬱不舒。

當歸 二錢

白芍

一錢五分

柴胡 五分

黃芩

一錢五分

鬱金 一錢

丹皮

二錢

山梔

一錢五分

夏枯草

四錢

薄荷 一錢

水二鍾煎八分。食遠服。

6 托裏消毒散 見上腫瘍

7 逍遙散 見上瘰癧

8 歸脾湯 見上潰瘍

▲乳岩

1 人參解鬱湯 鬱火成核

人參

茯苓

白朮

各一錢

甘草

五分

川芎

當歸

白芍

生地

陳皮

土貝

錢各一

柴胡

五分

丹皮

錢一

水二鍾煎八分。食遠服。

2 清肝解鬱湯 乳結腫硬不疼不痒。此變鬱氣滯。

陳皮

白芍

川芎

當歸

生地

半夏

香附

各八分

青皮

遠志

茯神

貝母

蘇葉

桔梗

各六分

甘草

山梔

木通

各四分

水二鍾薑三片。煎八分。食遠服。

3 益氣養榮湯 見上燥癰

4 八珍湯

5 十全大補湯 俱見上潰瘍

十四腹部

▲腹癰

腹癰生于皮裏膜外。起于膏粱七情火鬱脾虛氣滯而成。其患漫腫堅硬。肉色不變。膿未成也。腫軟或色赤。膿已成也。未成用行經活血之藥。已成

速針之。宜扶脾胃壯元氣為主。若膿多而不針。腹皮厚而脂膜脆。易至內潰。為患不小。

主治方

1 參苓白朮散 瀉久脾虛飲食少進

人參

茯苓

白朮 土炒

陳皮

山藥

甘草 炙各一斤

扁豆 炒十兩

蓮肉 炒

砂仁

苡仁 炒

桔梗 各半斤

右藥共為末。每服二錢。棗湯或米飲下。有痰加半夏。

2 仙方活命飲

3 內疎黃連湯

4 托裏消毒散 俱見上腫瘍

十五 臍部

▲臍癰

臍癰生臍下隙。屬手少陰心經。手厥陰心包絡風熱所致。亦有怒氣傷肝。火鬱而成。其見症堅硬如石。積久潰而出水。難以收功。

主治方

1 柴胡清肝湯 見上頭部

2 托裏消毒散 見上潰瘍

十六脇肋部

▲脇癰

脇癰因心肝火盛虛中有熱而發屬手厥陰心包絡足厥陰肝經以（柴胡清肝湯）為主。

主治方

1 柴胡清肝湯 見上頭部

2 托裏消毒散 見上腫瘍

3 十全大補湯 見上潰瘍

▲脇疽

脇肋發疽屬足厥陰肝經足少陽膽經之積熱。

主治方

1 托裏消毒散 見上腫瘍

2 柴胡清肝湯 見上頭部

3 梔子清肝湯 見上耳部

4 八珍湯 見上潰瘍

十七臂部

▲臂癰

肘之內生癰屬三陰經。乃心肺包絡鬱火引經用黃連。升麻柴胡。肘之外生癰乃胃大小腸積毒引經用藜蘆。升麻柴胡。若漫腫白色無頭服敗毒藥不効者。(十全大補湯)加桂枝桔梗。

主治方

1 荆防敗毒散 見上面部

2 托裏消毒散 見上腫瘍

3 十全大補湯 見上潰瘍

十九手部

▲手背發

手發背癰疽是三陽經風熱鬱滯而成。

PDS

主治方

1 羌活散

羌活

當歸錢各二

獨活

烏藥

威靈仙

各一錢五分

升麻

前胡

荊芥

桔梗

錢各一

生草

五分

肉桂

三分

酒水各一鍾煎一鍾食遠服

2 內疎黃連湯 見上腫瘍

▲手心毒

手心毒紅腫名穿掌若偏于掌邊者名穿邊此手厥陰心包絡積熱所致

主治方

1 羌活散 見上手發背

2 內疎黃連湯 見上腫瘍

▲鵝掌風

鵝掌風由足陽明胃經血熱受寒以致紫斑白點久則枯厚破裂又或時瘡餘毒未盡之故

主治方

祛風地黃丸

生地

熟地各四兩

白茯苓

川牛膝各三兩酒洗

知母

黃蘗

枸杞子各二兩

菟絲子酒製

獨活各一兩

共研末。煉蜜為丸。如梧桐子。大每服三錢。黃酒送下。夏月淡鹽湯送下。

▲紫白點風

紫白點風。紫因血滯。白因氣滯。總由風濕凝滯。毛孔氣血不行而致。遍體皆然。不獨一手一指也。

主治方

胡麻丸

大胡麻四兩

防風

威靈仙

石菖蒲

苦參各二兩

白附子

獨活各一兩

甘草五錢

右為細末。新安酒漿泛丸。桐子大。每服二錢。形瘦者一錢五分。食後

臨卧。白滾湯送下。忌動風發物。海腥煎炒雞鵝羊肉火酒等物。愈後
戒食百日。

▲合谷疽

合谷疽。虎口焮赤腫痛。又名手了刺。又名劈蟹毒。手陽明大腸經風熱積
毒。

主治方

1 蟾酥丸 見下疔瘡

▲羅疔

羅疔。生於羅紋內。蛇頭疔。起于指端。由手之三陰三陽積毒攻注而然。如
大指少商穴。是手太陰肺經中指中冲穴。是手厥陰心包絡。小指內側少
冲穴。是手少陰心經。食指商陽穴。是手陽明大腸經。無名指關冲穴。是手
少陽三焦。小指外側少澤穴。是手太陽小腸經。諸筋之火邪注于指頭。則
成羅蛇疔矣。初起麻木不仁。或寒冷如冰。腫脹至手了手背。徹心大痛。日
夜無寐。此時羅內安然。穿潰反在手了左右。漸潰至原所。若有調理。約百
日腐爛出骨而愈。若初起不冷者。縱腫脹痛極。不至脫骨。輕於前症矣。

主治方

1 仙方活命飲 見上腫瘍

2 蟾酥丸 見下疔瘡

十九 腎部

▲腎癰

腎太陽膀胱部分也。居小腹之後。道遠位僻。氣血罕到。濕熱凝滯者。患必紅腫。自當活血散瘀。清利濕熱。然過於寒涼剋伐。致令軟陷。无膿根散不痛。煩燥譫語。痰喘氣粗。恍惚不寧。反為不治。若屬陰分。而白腫無頭者。毋傷脾胃。毋損氣血。但當固本為主。

主治方

1 活血散瘀湯

川芎

當歸

防風

赤芍

蘇木

延翹

天花粉

皂角針

紅花

黃芩

枳殼各一錢

大黃二錢

水二鍾。煎八分。食前服。便通者去大黃。加乳香。

2 黃耆內托散

黃耆

當歸

川芎

金銀花

皂角針

穿山甲

甘草各一錢

水二鍾煎八分入酒一杯食前服

3 內消沃雪湯

4 托裏消毒散

5 透膿湯 俱見上腫瘍

6 十全大補湯 見上潰瘍

二十肛門部

▲臟毒

臟毒屬大腸。由醇酒厚味。勤勞辛苦。蘊毒流注肛門而成。發於外者。多實熱。脈數有力。肛門突腫。大便秘結。小便不利。以通為主。屬陽易治。發於內者。屬陰。虛濕熱內臟結腫刺痛。小便淋瀝。大便虛秘。寒熱咳嗽。脈數虛細。以滋陰為主。屬陰難治。候膿出則安。又有蘊毒注結肛門。內蝕串爛。污水流通。不食作渴者死。

黃耆

白芍

穿山甲

皂角針各一

檳榔 三分

水二鍾煎八分。食前服。

4 內消托雪湯 見上腫瘍

5 四物湯

6 補中益氣湯

7 六味丸 俱見上潰瘍

▲ 肛癰

肛癰即臟毒之類。其成患之由。大略相同。但肛癰生於肛側。或在上。或在
下。結腫如粟。破必成漏。酒傷者戒酒。患此症者。慎起居。遠嗜慾。節飲食。其
漏自痊。若虛勞吐血。久嗽痰火。必致通腸。大便時其屎夾入。其痛異常。則
名偷屎瘻。勢必瀝盡氣血而亡。非藥所能療者也。

主治方

(注意) 參觀臟毒

▲ 脫肛

脫肛屬大腸氣血虛而兼濕熱。肺與大腸相為表裏。肺實熱則秘結。肺虛寒則脫出。又腎主大便。故腎虛者多患此症。氣虛者（補中益氣湯）為主。或加芩連。或加桂附。腎虛者（六味丸）虛寒者（八味丸）各因症而治之。

主治方

1 補中益氣湯

2 六味丸

3 八味丸 俱見上潰瘍

▲痔漏

痔漏屬肝脾腎三經。故陰精虧損者多成漏症。若與大腸二經風熱者。熱退自愈。不守禁忌者。亦成漏症。痔分內外。生於肛內者為雌痔。無形血出生於肛外者為雄痔。有形出血。大約大便作痛者。潤燥除濕。肛門墜痛者。瀉火除濕。小便澀滯者。清肝導濕。其成漏者。養元氣。補陰精為主。

主治方

1 防風秦艽湯 痔瘡不論新久。肛門便血墜重作痛。

防風

秦艽

當歸

川芎

生地

白芍

赤茯苓

連翹各一錢

檳榔

甘草

梔子

地榆

枳殼

槐角

白芷

蒼朮各六分

水二鍾煎八分。食前服。便秘者加大黃二錢。

2 三黃二地湯 腸風諸痔。便血不止。及面色痿黃。四肢無力。

生地

熟地各二錢五分

蒼朮

厚朴

陳皮

黃連

黃藥

黃芩

歸身

白朮

人參各一錢

甘草

防風

澤瀉

地榆各六分

烏梅一個

水二鍾煎八分。食前服。

3 臟連丸 治痔無論新久。但舉發便血作痛。肛門墜重。

黃連

八兩研淨末

公豬大腸

肥者一段長一尺二寸水洗淨

右二味。將黃連末裝入大腸內。兩頭以綫紮緊。放砂鍋內。下煮酒二斤半。慢火熬之。以酒乾為度。將藥腸取起。共搗如泥。如藥濃。再曬一時許。復搗為丸。如梧桐子大。每服七十九。空心溫酒送下。久服除根。

4 胡連追毒丸 治痔漏不拘遠年近日有漏通腸污從孔出者先用此

丸追盡膿毒服後丸藥自然取效。

胡黃連

一兩切片
薑汁拌炒

刺蝟皮

二兩炙切片
再炒黃研末

麝香

二分

共研細末。煉蜜為丸如麻子大每服一錢食前溫酒送下。服藥後膿水反多是藥力到也勿懼。

5 黃連閉管丸

胡黃連

淨末
一兩

穿山甲

香油內
炸黃

石決明

煨

槐花

各五錢
微炒

共研細末。煉蜜為丸如麻子大每服一錢空心清米湯送下。早晚服二次至重者不過四十日而愈。如漏四邊有硬肉突起者加鹽蠶二十條炒研末入藥內及偏身諸般漏症服此方皆可有效。

6 補中益氣湯

7 四物湯

8 六味丸

俱見上潰瘍
二十一下部

▲懸癰

懸癰生於陰囊之後穀道之前。若懸物然。故名。是足三陰虧損之症。此處肉理如縷。易潰難合。

主治方

1 九龍丹

木香

乳香

沒藥

兒茶

血竭

巴豆油不去

右等分為末。生蜜調成一塊。磁盒收貯。臨用時。旋丸如豌豆大。每服九丸。空心熱酒一杯送下。行四五次。方食稀粥。腫甚者。間日再用一服。自消。

2 滋陰八物湯

當歸

生地黄

白芍藥酒炒

川芎

丹皮

花粉各一錢

澤瀉五分

甘草節一錢

水二鍾。燈心五十寸。煎八分。食前服。大便秘者。加蜜炒大黃一錢。

3 內消沃雪湯

4 托裏消毒散

5 透膿湯 俱見上腫瘍

6 龍膽瀉肝湯 見上耳部

7 補中益氣湯

8 八珍湯

9 十全大補湯 俱見上潰瘍

▲囊癰

囊癰屬肝腎二經陰虛濕熱下注丹溪云但以濕熱入肝施治而以補陰雖脫可治故宜消補兼施若專攻其瘡陰道愈虛必生他患矣

主治方

1 清肝滲濕湯

黃芩

梔子

當歸

生地

白芍藥

酒炒

川芎

柴胡

花粉

龍膽草

各一錢
酒炒

生草

澤瀉

木通

各五分

水二鍾燈心五十寸煎八分食前服

2 滋陰內托散

當歸

熟地

白芍藥 酒炒

川芎 各一錢

穿山甲 炙

澤瀉

皂刺 各五分

黃耆 各一錢五分

水二鍾煎八分。食前服。

3 龍膽瀉肝湯 見上耳部。

4 人參養榮湯 見上潰瘍。

▲下疳

下疳屬肝經濕熱下注。或陰虛火燥。或交接過度。或房術興陽。或與不潔婦人之污穢所致。

主治方

1 五苓散 利濕瀉熱行水總劑。

澤瀉 二錢

白朮

茯苓

豬苓 各三錢

官桂 八分

水煎服

2 八正散 肝經積熱淋痛尿血。

大黃

車前子

瞿麥

扁蓄

山柘

木通

甘草錢各一

滑石二錢

水二鍾煎八分。食前服。

3 葶藶分清飲 膏淋白濁。

葶藶

石菖蒲

烏藥

益智仁

茯苓錢各一

甘草梢五分

鹽少許

水煎服。

4 清心蓮子飲 心火淋漓。

石蓮肉

人參

黃耆

茯苓

柴胡錢各一

黃芩

地骨皮

麥冬

車前子

甘草各五分

水煎服。

5 龍膽瀉肝湯 肝經濕熱致成下疳。見上耳部。

▲陰瘡

婦人陰瘡。因七情鬱火傷損肝脾。則濕熱下注。其患固多。茲以所治者例之。

主治方

1 逍遙散 見上療癰

2 龍膽瀉肝湯 見上耳部

3 補中益氣湯

4 歸脾湯

5 四物湯 俱見上潰瘍

二十二膝部

▲膝瘍

膝之腫痛非一端。如雨膝疼痛。寒熱間作。股漸小而膝大者。名鶴膝風。此足三陰陰虛。風邪乘虛而入。故有此虧損之症。初起宜（五積散）加牛膝。後服（大防風湯）溫煖經絡。若一膝引痛。微紅而軟。名膝遊風。膝之兩傍腫痛。名膝眼毒。膝蓋上白腫而痛者。屬陰分。為膝疽。紅腫而痛者。屬陽分。亦名膝癰。膝之下面灣曲處。名委中毒。大約（活命飲）加牛膝為主。

主治方

1 獨活寄生湯 肝腎虛弱。風熱內攻。足脛緩縱。膝痺寧重。

獨活 二錢

茯苓

川芎

當歸

防風

白芍

細辛

人參

桂心

杜仲

牛膝

秦艽

熟地

桑寄生

各一錢

甘草

五分

水二鍾。薑三片。煎八分。食前服。

1 五積散

2 大防風湯

俱見下附骨疽

3 陽和湯

見下流注

4 仙方活命飲

見上腫瘍

5 加減八味丸

見上潰瘍

二十三服部

▲大股疽

大股之內。陰囊之側。在左為便毒。在右為魚口。在夾縫之中。形長而腫者。為橫痃。屬厥陰肝經。因慾心不遂。或強固其精。以致敗精瘀血凝聚而成。治當散滯行瘀。如（紅花散瘀湯）之類是也。至于股之正面。伏兔穴處。即

名伏兔屬陽明胃經股之內側名陰疽屬足之三陰股之外側名咬骨疽屬足之三陽股之下面左為上馬癰右為下馬癰屬足少陰腎經足太陽膀胱經寒熱疼痛漫腫无頭俱宜早治如(活命飲)加牛膝木瓜防己之類若紅活高腫者易治。

主治方

1 紅花散瘀湯 瘀精濁血凝結小水澀滯者。

當歸尾

皂角針

紅花

蘇木

殭蠶

連翹

石決明

穿山甲

乳香

土貝

錢各一

大黃

三錢

牽牛

二錢

水酒各一碗煎八分空心服行五六次方喫稀粥補之。

2 黃耆內托散 魚口便毒橫痃等症已成者。

川芎

當歸

黃耆

錢各二

白朮

金銀花

天花粉

皂角針

錢各一

甘草

瀉澤

各五分

3 虎潛丸 腿脚沉重行步艱難

黃蘗

知母

熟地各三兩

龜板四兩

白芍

當歸

牛膝各一兩

虎脰骨

瑣陽

陳皮各一兩

乾薑五錢

研末酒煮羯羊肉一斤切片微火焙研末和上諸藥煉蜜為丸梧子

大每服五十丸薑湯鹽酒隨意送下。

4 當歸拈痛湯 腿遊風形如堆雲焮腫疼痛。

當歸

羌活

茵陳蒿

蒼朮

防風各一錢

苦參

白朮

升麻各七分

葛根

澤瀉

人參

知母

黃芩

豬苓

甘草各五分

黃蘗三分

水二鍾煎八分食前服。

5 仙方活命飲

6 托裏消毒散 俱見上腫瘍

7 陽和湯 見下流注

▲小股疽

PDG

小股生瘡。外膝屬足三陽。內膝足三陰。或因飲食起居虧損肝腎。或因濕熱下注。瘀血凝滯。或因磕損搔癢。日逐步履。氣多下墜。或大或小。經年不愈。又有津淫搔癢。膿水淋漓。則為股疔。此濕熱為患。足小肚生疽。紅腫堅硬。名黃焮癰。一名腓肭發。此足少陰腎經腎水不足。積熱所致。或去濕熱。或滋陰。或補腎。各因症施治。

主治方

1 獨活寄生湯 見上膝部

(注意) 餘參觀上大股疽及上膝部

二十四足部

▲足瘍

足瘍屬三陰經。精血虧損。或三陽經濕熱下注。若赤色作痛而膿清者。元氣虛而濕毒壅盛也。先服(活命飲)次服(補中益氣湯)(六味丸)以補精血。色暗不痛者。腎氣敗而虛火盛也。用(十全大補湯)(加減八味丸)壯脾胃。滋化源。多有得生者。若專攻其瘡。復傷元氣。必致不起。

主治方

1 仙方活命飲 見上腫瘍

2 補中益氣湯

3 十全大補湯

4 六味丸

5 加減八味丸 俱見上潰瘍

6 獨活寄生湯 見上膝部

第二節 內癰

▲ 肺癰

肺癰其候惡風咳嗽鼻塞項強胸脇脹滿咽燥作渴呼喝不利甚則四肢微腫咳唾膿血其氣腥臭入水則沉胸中隱隱微痛右寸脈滑數而實者肺癰也其所吐止是涎沫或膿血其脈雖數而虛則為肺痿治宜降火滌痰

主治方

1 射干麻黃湯 風鬱於表肺癰未成

射干 三錢

麻黃

生薑 各四錢

細辛

紫苑

款冬花

各三錢

大棗

七枚

五味子

半夏

各三錢

水煎服

2 葶藶大棗湯

氣壅喘滿身不得卧。

苦葶藶

輕者五錢重者一兩

大棗

輕者五枚重者十枚去核

水三鍾煎至一鍾服之。

3 千金葶藶湯

效有微熱煩滿胸中甲錯膿欲成者。

葶藶

一兩

薏苡仁

炒

瓜瓣

各三錢即冬瓜仁

桃仁

二錢去皮炒研

水煎服。

4 桔梗湯

吐膿腥臭形如米粥。

苦桔梗

甘草

等分生

水煎服。

5 外臺桔梗白散

吐膿腥臭效而胸滿。

苦梗桔

貝母

各三分

巴豆

一分去皮熬研如脂

右三味為散強人飲服半錢羸者減之病在膈上吐膿在膈下者瀉

出若下多不止飲冷水一杯則定

6 金鯉湯 咯吐膿血兼午後身熱煩燥

金色活鯉魚一尾約四兩重

貝母 二錢

先將鯉魚連鱗剖去肚腸勿經水氣用貝母細末摻在魚肚內綫紮之用上白童子便半大盞將魚浸童便內重湯炖煮魚眼突出為度少頃取出去鱗骨取淨肉浸入童便內燉熟肉與童便作二三次一日食盡一枚其功效甚捷

7 寧肺桔梗湯 潰後胸膈脇肋隱痛不止口燥咽乾煩悶多渴自汗盜

汗眠卧不得咳吐稠痰腥臭此係癰膿不盡而兼裏虛

苦桔梗

貝母 去心

當歸

括蕒仁 研

生黃耆

枳殼 麩炒

甘草節

桑白皮 炒

防己

百合 去心

薏苡 各八分炒

五味子

地骨皮

生知母

杏仁 炒研

苦葶藶 各五分

水二鍾薑三片煎八分不拘時服一效甚倍加百合二身熱加柴胡

黃芩三大便不利加蜜炙大黃一錢四小水澀滯加燈心木通五煩

燥痰血加白茅根六胸痛加人參白芷

8 紫苑茸湯 癰膿已潰喘滿腥臭濁痰俱退惟效嗽咽乾咯吐痰血脇肋微痛不能久卧者此屬肺癰潰處未斂宜清補之

紫苑茸

犀角末

甘草炙

人參各五分

霜桑葉

款冬花

百合去心

杏仁炒研

阿膠

便潤妙用便燥生用貝母去心

半夏炙如渴甚去此味如石膏

蒲黃各七生

薑三片水二鍾煎八分將犀角末調入食後服

9 清金寧肺丸 咳嗽日久膿痰不盡身熱虛羸漸成勞瘵者

陳皮

茯苓

桔梗

貝母

人參

黃芩各五錢

麥冬

地骨皮

銀柴胡

川芎

白芍

胡黃連各六錢

五味子

天冬

生地酒浸搗膏

熟地搗膏

歸身

白朮各一兩

甘草三錢

右為細末煉蜜為丸如梧子大每服七十九食遠白滾湯送下

10 梔子仁湯 肺痿發熱潮熱或發狂亂煩躁面赤咽痛者

梔子仁

赤芍藥

大青葉

知母各七分

黃芩

石膏

杏仁

升麻各一分

柴胡六分

甘草五分

淡豆豉百粒

水二鍾煎八分。食遠服。

II 滌痰湯 治心火剋肺金久而不愈。傳為肺痿。咽嗝雌啞。胸膈痞悶。嘔

吐痰涎。喘急難卧者。並服之。

陳皮

半夏

茯苓

甘草

麥冬

膽星

枳實

黃連

人參

桔梗各五分

竹茹一錢

水二鍾煎八分。食後服。

▲胃脘癰

聖濟總錄云。胃脘癰由寒氣隔陽。胃口熱聚。寒熱不調。故血肉腐壞。以氣逆于胃。故胃脈沉細。以陽氣不得上升。故人迎熱甚。令人寒熱如瘡。身皮甲錯。或咳嗽。或嘔膿吐血。若脈洪數。膿成也。急排之。脈遲緊。瘀血也。急下之。否則其毒內攻。腐爛腸胃矣。凡胃癰飲食頗進者可治。

主治方

1 赤豆薏苡仁湯

赤小豆

薏仁

防己

甘草 等分

水二鍾煎八分食遠服

2 牡丹皮湯 見下腸癰

▲腸癰

腸癰為病。小腹重強。按之則痛。小便如淋。時時汗出。復惡寒。身皮甲錯。腹皮急如鼓狀。甚者腹脹大。轉側有水聲。或繞臍生瘡。或膿從臍出。或從大便下。內經云。腸癰不可驚。驚則腸斷而死。患是者。坐卧轉側。皆宜徐緩。靜養調理。方可保全。

主治方

1 大黃湯 治腸癰。小腹堅硬如掌。而熱。按之則痛。肉色如故。或焮赤微

腫。小便頻數。汗出憎寒。脈緊實而有力。日淺未成膿者。

大黃 炒

硝朴 各一錢

牡丹皮

白芥子

桃仁 各二錢

水二鍾煎八分。食前。或空心溫服。

2 活血散瘀湯 產後惡露不盡。或經後瘀血作痛。或暴急奔走。或受重大。撲擊。氣血流注。腸胃作痛。漸成內癰。及腹痛。大便燥者。並宜。

川芎

歸尾

赤芍

蘇木

牡丹皮

枳殼

瓜蒌仁 去殼

桃仁 去心

檳榔 六分

大黃 酒炒

水二鍾煎八分。空心服。渣再煎服。

3 薏苡湯 脈見洪數。肚臍高突。腹痛脹滿。不食。動轉側身。則有水聲。便

淋刺痛者。癰膿已成。

薏苡仁

枳實仁 各三錢

牡丹皮

桃仁 各二錢

水二鍾煎至一鍾。不拘時服。

4 丹皮湯 腹濡而痛。少腹急脹。時時下膿。

丹皮

枳實仁 各一錢

桃仁

朴硝 各三錢

大黃 五錢

水二鍾去渣。入硝。再煎數滾。不拘時服。

5 牡丹皮散 腸癰腹濡而痛。以手重按則止。或時時下膿。

人參

牡丹皮

白芍

茯苓

黃耆

薏苡仁

桃仁

白芷

當歸

川芎

甘草

官桂

木香

三分

水二鍾煎八分。食前服。

6 八珍湯 見上潰瘍

▲肝癰

朱丹溪曰。肝癰始發。期門穴必隱痛。微腫。令人兩脚脹滿。脇痛。側卧則發。便溺艱難。由憤鬱氣逆而成。

主治方

1 復元通氣散 見上乳瘍

2 逍遙散 見上癰癰

3 柴胡清肝湯 見上贅疽

4 六味地黄丸

五八珍湯 俱見上潰瘍

▲心癱

王肯堂曰。心癱始發。巨闕穴必隱痛微腫。令人寒熱身痛。頭面色赤。口渴。隨飲隨乾。由心火熾盛。更兼酷飲嗜熱而成。

主治方

1 涼血飲

生地

麥門冬

連翹

天花粉

木通

赤芍

荆芥

車前子

瞿麥

白芷

甘草

薄荷

山梔

各等分

引用燈心若潮熱加淡竹葉水煎服

2 升麻葛根湯 治酒毒為病者

升麻

柴胡

黃芩

白芍

葛根

山梔 各一錢

黃連

木通

甘草 各五分

水二鍾煎八分不拘時服

▲脾癰

王肯堂曰脾癰始發章門穴必隱痛微腫由過飧生冷兼濕熱或瘀血鬱滯脾經而成令人腹脹咽乾燥小水短澁也

主治方

1 大黃湯

見上腸癰

2 赤豆薏苡仁湯

見上胃癰

3 六君子湯

見上潰瘍

▲腎癰

王肯堂曰腎癰京門穴必隱痛微腫令人寒熱往來面白不渴小腹及肋下膜脹塞滿由腎經不足之人房勞太過身形受寒邪氣自外乘之而成

主治方

1 五積散

見下附骨疽

第二章 非局部病

▲疔瘡

疔瘡之發。或中飲食之毒。或感不正之氣。或因蛇蟲死畜之穢。多生于頭面四肢。或如小瘡。或如水泡。或疼痛。或寒熱。或麻木。或嘔吐惡心。或肢體拘急。或走黃毒氣攻心。並宜解毒之劑。若生兩足者。多有紅絲至臍。生兩手者。多有紅絲至心。生唇面口內者。多有紅絲入喉。皆急用針挑破其絲。使出惡血以泄其毒。

主治方

1 黃連解毒湯 治疔毒入心內熱口乾煩悶恍惚脈實者

黃連

黃芩

黃蘗

山梔

連翹

甘草

牛蒡子

各等分

水二鍾燈心二十根煎八分不拘時服

2 五味消毒散

金銀花

三錢

野菊花

蒲公英

紫花地丁

紫背天葵子

各一分

水二鍾煎八分加無灰酒半鍾再滾二三沸時熱服渣如法再煎服

被蓋出汗為度

3 犀角地黄湯

烏犀角

生地

丹皮

白芍各等分

水二鍾煎八分不拘時服

4 蟾酥丸

治疔瘡麻木或嘔吐昏憤等症

蟾酥

二錢酒化

輕粉

五分

枯礬

一錢

寒水石

一錢

銅綠

一錢

乳香

一錢

沒藥

一錢

膽礬

一錢

麝香

一錢

雄黃

二錢

蝸牛

二十個

硃砂

三錢

以上各藥為末稱準於端午日午時在淨室中先將蝸牛研爛再同蟾酥和研稠粘方入各藥共搗極勻丸如菘豆大每服三丸用葱白五寸患者自嚼爛吐手心內男左女右將藥裹入用無灰熱酒一茶鍾送下被蓋約人行五六里路出汗為效甚者再進一服修合時婦人雞犬等忌見此古法也

5 琥珀蠟礬丸

見上腫瘍

▲流注

流注或飲食傷脾或房勞陰虛或腠理不密外邪客之暴怒傷肝鬱結傷

脾。或濕痰流注。或跌蹠血滯。產後惡露皆陰氣虛血注而凝也。其形漫腫。無頭。皮色不變。毋論穴道。隨處可生。治宜祛散寒邪。接補元氣。若不補氣。血節飲食。慎起居。戒七情。而專用寒涼尅伐。其不死者幸矣。凡症映瘡。如飯碗大者不治。

主治方

1 木香流氣飲 濕痰流注

川芎

當歸

紫蘇

桔梗

青皮

陳皮

烏藥

黃耆

枳實

茯苓

防風

半夏

白芍

各一錢

甘草節

大腹皮

木香

檳榔

澤瀉

枳殼

各五分

牛膝

下部一錢加

水三鍾。薑三片。棗一枚。煎八分。食遠服。

2 通經導滯湯 產後瘀血流注經絡。結成腫塊。疼痛者。

香附

赤芍

川芎

當歸

熟地

陳皮

紫蘇

牡丹皮

紅花

牛膝

枳殼各一錢

甘草節

獨活各五分

水二鍾煎八分入酒一小杯食前服

3 散血葛根湯 跌撲損傷瘀血凝滯結成流注身發寒熱者

乾葛

半夏

川芎

防風

羌活

升麻

桔梗各八分

白芷

甘草

細辛

蘇葉

香附

紅花各六分

水二鍾葱白三枚薑三片煎八分不拘時服

4 陽和湯 一切陰疽

肉桂一錢

鹿角膠三錢

白芥子二錢

熟地一兩

麻黃五分

炮薑五分

生甘草一錢

水煎服

5 附子八物湯 房慾後陰虛受寒結腫或遍身腿脚疼痛不能步履

川芎

白芍

熟地

人參

白朮

茯苓

當歸

附子

錢各一

肉桂

五分

木香

甘草

各三分

水二鍾薑三片棗一枚煎八分食遠服

6 調中大成湯

流注潰後膿水清稀飲食減少不能生肌收斂

白朮

茯苓

歸身

白芍

陳皮

山藥

黃耆

牡丹皮

錢各一

人參

二兩

養香

砂仁

遠志

甘草

各五分

附子

肉桂

各八分

水二鍾煨薑三片棗二枚煎八分食遠服

7 萬靈丹

見上腫瘍

8 十全大補湯

9 人參養榮湯

10 補中益氣湯

11 歸脾湯

12 八珍湯

俱見上潰瘍

▲附骨疽

附骨疽即俗稱貼骨疽也。且疽毒結於骨際者皆謂之貼骨癰。然惟兩股肉厚處乃多此症。蓋此症之因有勞傷筋骨者。有恃酒房勞者。有憂思鬱怒者。有風邪寒熱所侵者。其端甚微。而後三陰三陽無不逮及。而全腿俱潰。誠危症也。若潰後脈和。雖困弱之甚。只以大補氣血為主。皆可保全。若潰見惡症不治。始終不宜用涼藥。當用溫煖大補之劑。可以收功。

主治方

1 五積散 寒濕客于經絡。腰脚痠痛。發熱惡寒。頭痛。

蒼朮 二錢

陳皮

桔梗

川芎

當歸

白芍

錢各一

麻黃

枳殼

桂心

乾薑

厚朴

分各六

白芷

半夏

甘草

茯苓

分各四

薑三片。水二鍾煎八分。不拘時服。一頭痛惡寒者。加連翹葱頭三根。得汗為效。二下部加木瓜牛膝。

2 大防風湯 或腫痛。或腫而不痛。宜先療寒邪。

人參 二錢

防風

白朮

附子

當歸

白芍

川芎

杜仲

黃耆

羌活

牛膝

甘草

熟地各一錢

水二錢。薑三片。煎八分。食前服。或加桂以行地黃之滯。若胃脾虛寒之人宜服八味丸。

3 保安萬靈丹 見上腫瘍

4 陽和湯 見上流注

5 八珍湯

6 十全大補湯 俱見上潰瘍

▲遍身

胸腹經絡。足之三陰。從足上走入腹。背後經絡。足之三陽。從頭下走至足。瘡名多端。難以詳載。茲以遍身該之。

主治方

1 消風散 風濕浸淫。血脈致生疥瘡。

當歸

生地

防風

蟬脫

知母

苦參

胡麻

荆芥

蒼朮

牛旁子

石膏

木通

甘草

各五分

水二鍾煎八分。食遠服。

2 五皮飲 皮膚水腫

生薑皮 七分

大腹皮

茯苓皮

桑白皮

陳皮 各一分

水煎服。

3 金匱腎氣丸 脾脾腎俱虛。遍身腫脹。

見上腎俞發

4 保安萬靈丹 諸風癱瘓。遍身走痛。

見上腫瘍

中國外科學大綱終

附錄

內經上之外科學說

癰疽篇。黃帝曰。氣血已調。形氣乃滯。余已知血氣之平與不平。未知癰疽之所從生。成敗之時。死生之期。有遠近。何以度之。可得聞乎。岐伯曰。經脈流行不止。與天同度。與地合紀。故天宿失度。日月薄蝕。地經失紀。水道流溢。草莖不成。五穀不殖。徑路不通。民不往來。卷聚邑居。則別離異處。血氣猶然。請言其故。夫血脈營衛。周流不休。上應星宿。下應經數。寒邪客於經絡之中。則血泣。血泣則不通。不通則衛氣歸之。不得復反。故癰腫寒氣化為熱。熱勝則為腐肉。肉腐則為膿。膿不瀉則爛筋。筋爛則傷骨。骨傷則髓消。不當骨空。不得泄瀉。血枯空虛。則筋骨肌肉不相榮。經脈敗漏。薰於五藏。藏傷故死矣。

黃帝曰。願盡聞癰疽之形與忌。曰。名。岐伯曰。癰發于嗑中。名曰猛疽。猛疽不治。化為膿。膿不瀉。塞咽。半日死。其化為膿者。瀉則合。豕膏冷食。三日已。發於頸。名曰天疽。其癰大以赤黑。不急治。則熱氣下入淵腋。前傷任脈。內薰肝肺。薰肝肺。十餘日而死矣。陽氣大發。消腦留項。名曰腦爛。其色

不樂項痛而如刺以針煩心者死不可治。發於肩及臑名曰痲癰其狀

赤黑急治之。此令人汗出至足不害五藏癰發四五日暹爛之。發於腋

下赤堅者名曰米疽治之以砭石欲細而長疎砭之塗以豕膏六日已勿

裏之。其癰堅而不潰者為馬刀挾纓急治之。發於胸名曰井疽其狀

如大豆三四日起不早治下入腹不治七日死矣。發於膺名曰甘疽色

青其狀如穀實蒜薤常苦寒熱急治之去其寒熱一歲死死後出膿。發

於脇名曰敗疵敗疵者女子之病也灸之其病大癰膿治之其中乃有生

肉大如赤小豆劉夔翹草根各一升以水一斗六升煮之竭為取三升則

強飲厚衣坐於釜上令汗出至足已。發於股脛名曰股脛疽其狀不甚

變而癰膿搏骨不急治三十日死矣。發於尻名曰銳疽其赤堅大急治

之不治三十日死矣。發於股陰名曰赤施不急治六十日死在兩股之

內不治十日而當死。發於膝名曰痲癰其狀大癰色不變寒熱如堅石

勿石石之者死須其柔乃石之者生。諸癰疽之發於節而相應者不可

治也發於陽者百日死發於陰者三十日死。發於脛名曰兔齧其狀赤

至骨急治之不治害人也。發於內踝名曰走緩其狀癰也色不變數石

其輸而止其寒熱不死。發於足上下。名曰四淫。其狀大癰。急治之。百日死。發於足傍。名曰厲癰。其狀不大。初如小指發。急治之。去其黑者。不消。輒益不治。百日死。發於足指。名脫癰。其狀赤黑。死不治。不赤黑。不死。不哀。急斬之。否則死矣。黃帝曰。夫子言癰疽。何以別之。岐伯曰。榮衛稽留。于經脈之中。則血泣而不行。不行則衛氣從之。而不通。壅遏而不得行。故熱大熱不止。熱勝則肉腐。肉腐則為膿。然不能陷骨髓。不為焦枯。五藏不為傷。故名曰癰。黃帝曰。何為疽。岐伯曰。熱氣淳盛。下陷肌膚。筋髓枯。內連五藏。血氣竭。當其癰下筋骨。良肉皆無餘。故命曰疽。疽者。上之皮天以堅。上如牛領之皮。癰者。其皮上薄以澤。此其候也。

玉版篇。黃帝曰。病之生時。有喜怒不測。飲食不節。陰氣不足。陽氣有餘。營氣不行。乃發為癰疽。陰陽不通。兩熱相搏。乃化為膿。小鍼能取之乎。岐伯曰。以小治小者。其功小。以大治大者。多害。故其已成膿血者。其惟砭石。鍼鍼之所取也。黃帝曰。多害者。其不可全乎。岐伯曰。其在逆順焉。以為傷者。其白眼青。黑眼小。是一逆也。內藥而嘔者。是二逆也。腹痛渴甚。是三逆也。肩項中不便。是四逆也。音嘶色脫。是五逆也。除此五者為順矣。

寒熱病篇曰。五藏身有五部。伏兔一。腓二。腓者脛也。背三。五藏之輸四。項五。此五部有癰疽者死。凡刺之害中而不去。則精泄。不中而去。則致氣。精泄則病甚。而恆致氣。則生為癰疽也。寒熱篇。黃帝曰。寒熱瘰癧在於頸腋者。皆何氣使然。岐伯曰。此皆鼠瘻寒熱之毒氣也。留於脈而不去者。也。鼠瘻之本。在皆於藏其末上出於頸腋之間。其浮於脈中而未內著於肌肉。而外為膿血者。易去也。黃帝曰。去之奈何。岐伯曰。請從其本。引其末。可使哀去。絕其寒熱。審按其道。以予之。徐往徐來。以去之。其小如麥者。一刺知。三刺而已。黃帝曰。決其生死。奈何。岐伯曰。反其目視之。其中有赤脈。上下貫瞳子。見一脈。一歲死。見一脈半。一歲半死。見二脈。二歲死。見赤脈。不下貫瞳子。可治也。

生氣通天論曰。高粱之變。足生大疔。受如持虛。汗出見濕。乃生癰癩。勞汗當風。寒溽為鼓鬱。乃癰。營氣不從逆於肉理。乃生癰腫。陷脈為癧。留連肉腠。因而飽食。筋脈橫解。腸澀為痔。

陰陽別論曰。三陽為病。發寒熱。下為癰腫。

脈度篇曰。六府不和。則留結為癰。

異法方宜論曰。東方之域。其民食魚而嗜鹹。其病皆為癰癧。其治宜砭石。故砭石者。亦是東方來。

氣穴論曰。肉之大會為谷。肉之小會為谿。肉分之間。谿谷之會。以行營衛。以會大氣。邪溢氣壅。脈熱肉敗。營衛不行。必將為膿。內消骨髓。外破大腠。留於節湊。必將為敗。積寒留舍。營衛不居。卷肉縮筋。肋肘不得伸。內為骨痺。外為不仁。命曰不足。大寒留於谿谷也。

刺節真邪論曰。虛邪之中人也。灑淅動形。起毫毛而發腠理。其入深內搏於骨。則為骨痺。搏於筋。則為筋攣。搏於脈中。則為血閉。不通則為癰。虛邪之入於身也。深寒與熱相搏。久留而內著。寒勝其熱。則骨疼內枯。熱勝其寒。則爛肉腐肌。為膿。內傷骨。為骨蝕。有所疾前筋。筋屈而不得伸。邪氣居其間而不反。發為筋癰。有所結。氣歸之。衛氣歸之。不得反。津液久留。合而為腸溜。久者數歲。乃成。以手按之柔。已有所結。氣歸之。津液留之。邪氣中之。凝結。日以易甚。連以聚居。為昔癰。以手按之堅。有所結。深骨中。氣因於骨。骨於氣并。日以益大。則為骨疽。有所結。中於肉。宗氣歸之。邪留而不去。有熱則化為膿。無熱則為肉疽。凡此數氣者。其發

無常處而有常名也。

病能論黃帝問曰。人病胃脘癱者。診當何如。岐伯對曰。診此者。當候胃脈。其脈當沉細。沉細者氣逆也。逆者人迎甚盛。甚盛則熱。人迎者胃脈也。逆而盛則熱聚於胃口而不行。故胃脘為癱也。帝曰。有病頸癱者。或石治之。或鍼灸治之。而皆已。其真安在。岐伯曰。此同名異等者也。夫癱氣之息者。宜以鍼開除去之。夫氣血聚盛者。宜石而瀉之。此所謂同病異治也。脈要精微論。帝曰。諸壅腫筋變骨痛。此病安生。岐伯曰。此寒氣之腫。八風之變也。帝曰。治之奈何。岐伯曰。此四時之病。以其勝治之。愈也。厥論曰。少陽厥逆。機關不利。機關不利者。腰不可以行。項不可以顧。發腸癰不可治。驚者死。

通評虛實論曰。所謂少鍼石者。非癰疽之謂也。癰疽不得項時。回氣交變。大論曰。歲火太過。民病身熱骨痛。而為浸淫。歲金太過。民病兩脇下少腹痛。目赤痛。皆癆。耳無所聞。歲木不及。復則炎暑流火。濕性燥病。寒熱瘡瘍。癘疹。癰瘰。歲金不及。復則寒雨暴至。民病口瘡。歲水不及。復則民病寒瘍流水。

五常政大論曰。委和之紀。其病支廢。癰腫瘡瘍。卑監之紀。其動瘍。涌分潰癰腫。赫羲之紀。其病笑瘡瘡瘍。堅成之紀。其動暴折瘍症。少陽司天。火氣下臨。鼻窒瘡瘍。太陽司天。寒氣下臨。甚則附腫身後癰。少陰司天。熱氣下臨。甚則瘡瘍。地有高下。氣有溫涼。高者氣寒。下者氣熱。故適寒涼者脹之。義同適。溫熱者瘡。下之則脹。已汗之則瘡已。



● 喉科類

秘傳喉科十八證
秦校喉科指南重樓玉鑑
秦校喉科秘旨
李校白喉治法捷要
許校白喉忌表抉微
白喉條辨

蔡鈞	石印	本裝	一冊	一角	七折
鄭梅澗	鉛印	平裝	一冊	一角	七折
吳張氏	石印	本裝	一冊	一角	七折
張紹修	石印	本裝	一冊	一角	七折
耐修子	石印	本裝	一冊	一角	七折
陳葆善	鉛印	平裝	一冊	一角	七折

● 醫案類

清代名醫醫案精華

秦伯未	鉛印	平裝	四冊	三元	七折
-----	----	----	----	----	----

清代名醫醫話精華
歷代外科醫業彙選

●方劑類

秦伯未 鉛印 平裝 四冊 印三元 七折
秦伯未 鉛印 平裝 一冊 印一元 七折

膏方大全

怪疾奇方

普濟良方

汪氏湯頭歌訣新註

驗方類編

●診斷類

秦伯未 鉛印 平裝 一冊 三角 七折
費伯雄 鉛印 平裝 一冊 三角 七折
德軒氏 鉛印 平裝 一冊 二角 七折
李益春 石印 本裝 一冊 二角五分 七折
秦伯未 鉛印 平裝 一冊 二角 七折

診斷大綱

●雜書類

秦伯未 鉛印 平裝 一冊 二角 七折

鳥瞰的中醫

歷代醫學之發明

國醫小史

醫學筆塵

許半龍 鉛印 平裝 一冊 二角 七折
王吉氏 鉛印 平裝 一冊 三角五分 七折
秦伯未 鉛印 平裝 一冊 二角 七折
王肯堂 鉛印 平裝 一冊 四角 七折

外埠函購另加郵費一成